



36445

I

Mac. Dr.

P

kat.komp.

Orator

crucifixus etc

Crucifixus ex off. Scher.

delian. 1670.




Feol. 3695.



X. i. 73.

XXIV. 2. 48





ORATOR
CRUCIFIXVS

SIVE VLTIMA

SEPTEM VERBA


Domini Nostri IESV Christi,
Totidem pijs discursibus exposita

Per R. P. IOANNEM PAPCZYN-
SKI, Presbyterum Polonum.



CRACOVIAE,

Ex Officina SCHEDELIANA, S. R. M. Nec
non Illustrissimi ac Reuerendissimi EPISCOPI
Cracouensis Ducis Seneriae Typographi:
Anna Domini, 1670.



In Stemma Gentilitium
 ILLVSTRISSIMI CELSISSIMI AC REVERENDISSIMI DOMINI,
 D. ANDREÆ TRZEBICKI,
 Episcopi Cracouien: Ducis Seueriæ.



Candorem Niueus Color hic designat OLORIS;
 Vox suaui suaui Moribus esse docet.
 Illæsus candor, vita est illæsa, fatemur:
 Atq; iuuat toties dicere: VIVAT OLOR.

36. 445. 1.

ILLV.



ILLVSTRISSIME,
 CELSISSIME
 AC REVERENDISSIME
 PRINCEPS.

NIueus ille Cœlestis O-
 LOR expansus in ligno
 fatali, & ante fata sua sua-
 vissimè præcinens, nativum colo-
 rem in purpureum ex sãgvini pro-
 fusione mutatus, non nisi Purpura-
 to PRINCIPI consecrandus erat.
 Inter plurimos TVA CELSITVDO
 subi-

subiuit animum, quin prima se humillimi Clientis obtutibus obiecit; quos & gentilitius TVÆ CELSITVDINIS OLOR allicit, & senatoria Præsuleaq; Purpura trahit, & fauores Typographiæ nostræ collati hanc exiguam ex ea prodeuntem Opellam sibi merito iure deberi persuadent. Præterea Author ipse horum Piorum Sermonum, piëtissimo TVÆ CELSITVDINIS patrocínio gloriatus, huc me cum labore suo direxit; vt vnus hic Libellus duorum gratitudinem Clientum testaretur. suscipe igitur animo, quo polles

polles, Heroico, Celsissime ac Reuerendisime PRINCEPS, Cygnea hæc exspirantis in CRUCE vitæ nostrū omnium ac salutis AVTHORIS Modulamina, & me sub vmbra Alarum gentilitij TVICY- GNI perpetuò velis conservare.

Illustrissimæ ac Reuerendissimæ

CELSITVDINIS VESTRÆ.

Humillimus Client,

NICOLAVS ALEXANDER SCHNEDER.

SAL.

SALVE LECTOR HUMANISSIME.



Io, non temerario tamen, impulsus ausu **V**LTIMA **A**eterna Sapiencia, in humana carne vitam cum sermone finientis, **V**ERBA, prout spiritus movebat, exposui. Sententiam nullam de meo conatu fero; Tuo candori id relinquo. Adhibui literas sacras, & earum interpretes: prophanam historiam parcissime, & ferè iisdem verbis, quibus excerpta fuit, ut Authoribus eloquentiæ gloria maneret. Utinam vel unius mortalis animo labor hic meus prosit, quàm grandem eius fructum percepero! Et quoniam alicuius Viri potui meminisse gestorū, nondum à S. Matre Ecclesia probatorum; idcirco, quod mādavit Sanctissimus Pontifex **V**RBANVS VIII. facio: nēpe, iuxta mentem eius, iterum atq; iterum protestor. Ceterum, Errores, qui huic editioni irrepserunt, benevolentia corrigendos relinquo tue. Prasertim:

pag. 3. pro videns, lege, videbat.

pag. 33. pro exaudita, lege, obsecrata.

pag. 40. post contrito corde, adde, oratio.

pag. 65. pro interpretation. lege, interpellation.

& semper felix Vire, ac Vale.

FACULTAS CENSORIS,

Imprimatur.

H IACINTHVS LIBERIVS,

S. T. D. Prapostus SS. Corporis Christi Canonice-
rum Regularium, Diocesis Craconien-
sis Librorum CENSOR.



ORATORIS CRUCIFIXI VERBVM I.

Pater dimitte illis: non enim sciunt,
quid faciunt. *Luca 23.*

Remittendo remissionem obtineri.



VESPASIANVS ille Augustus, qui propria Virtute Romanos fasces adeptus erat, tam diligens & assidvus fuit in exequendis Imperatoris muneribus; ut & dictaret, Imperatorem stantē mori oportere, & ferè non aliter quàm stando animam exhalaverit. Quod ille de Imperatoris officio, hoc ego de Oratoris possum pronunciare: huic nimirum cū supremo halitu verba, cum vita orationem finiendam. Ita **V**ERBVM **A**eternum, coelestis ille Orator, **I**ESVS, dicendo ac docendo Crucis in rostris **A**eterno **P**ATRI spiritū sanctissimū suū tradidit, simulq; peroravit ac expiravit. Hoc expendens pien-

tissimè divinus Bellarminus purpuratus scripor sic de
mum hanc crucifixi VERBI dictionem ac doctrinam
cōmendavit. Christ^o IESVS, VERBUM Æterni PA-
TRIS, & de quo idem PATER apertè dixit, *Ipsū au-
dite*; & qui de se apertè pronūtiavit, *Magister vester
vnus est Christus*; vt officio suo plenissime satisfaceret,
non solum viuens à docendo nunquam cessavit: sed e-
tiam moriens ex cathedra Crucis verba pauca, sed ar-
dentia, sed vtilissima, sed efficacissima prædicavit, &
planè dignissima, quæ à Christianis omnib⁹ in intimo
cordis recipiantur, & custodiantur, & examinentur, &
re ipsâ, ac factis adimpleantur. Quam ad rem vt aliquo
adiumento devotis Christo pectoribus esse queam, cō-
stitui apud me, pio magis quam calamistrato genere
dicendi, hanc Præceptoris nostri doctrinam è Crucis
exedra dictatam paulò copiosius explicare, animorūq;
nostrorum saluti accommodare eo modo, qui & com-
punctionē afferat, & vitæ pariat emendationem. Or-
dior itaq; à primo Verbo, quod Lucas Euangelista ex-
cepit, atq; in suo Divinorū gestorum ac sermonum co-
dice cap. 23. reposuit, hoc ipsum: *PATER, dimitte illis:
non enim sciunt, quid faciunt*. Ex quo discendum: diligen-
dos nobis esse inimicos, remittendasq; iniurias, vt hac
ratione certissimam delictorum nostrorū veniā ac re-
missionem consequamur. Quod iam promoveo.

NA

Nabuchodonosor Assyriorum Monarcha super-
bisimus, cœterisque vitijs ac sceleribus nō o-
mnino vacuus, videns aliquando (quod Dani-
el Vates cap. 4. memorat) in somnis Arborem vnam,
grandem profectò & excelsam, cuius altitudo tangens
cœlum, latitudo ad terminos vniversæ terræ protēsa,
folia pulcherrima, fructus nimius. Quid quòd super e-
adem habitabant vniversa animalia, & bestię, & in ra-
mis eius conversabantur volucres cœli, & ex ea vesce-
batur omnis caro? Cū igitur plurimū oblectatio-
nis ex talis tantæquē Arboris repræsentata sibi specie
caperet dormituriens Rex, ecce tibi cœlo nuntius ad-
volat, voce quē horrendā intonans: *Succidite, inquit, ar-
borem, & dissipate illam; attamen germē radicū eius in ter-
ram demittite, & vinciatur ferro & are in herbis foris, &
rore cœli conspergatur, & cum feris sit pabulum eius, donec
septem tempora mutantur super eum*. Exterritus tam ino-
pinato ac infelici delicatissimæ & speciosissimæ Arbo-
ris interitu Nabuchodonosor, illicò somno se proripit
& lecto, Daniele mq; iubet acciri, quem non ignorabat
oniromantam peritissimū. Adest Vates, & quod iam
erat sibi revelatum divinitus indicans: per Arborem
ostendit Regem ipsum denotari, futurumquē fore, vt
is mutatus in feram ab hominum cōsortio extrudatur,
foenum bovis instar comedat, sub dio belluas inter in-
tegro septennio versetur, donec resipiscens agnoscat,
quòd dominetur excelsus super regnum hominum. Quoniā

verò Nabuchodonosorē tenerrimē diligebat, v̄t eum ab hac gravissima & ignominiosissima poena liberum redderet, (vasit: eleemosynis Divinum furorē placaret, & sin min⁹s iudicium æquissimum corrumpere, saltē latam iam sententiam mitigaret. *Peccata tua*, dicebat, *eleemosynis redime, & iniquitates tuas misericordijs pauperum.* Arbor hæc, quæ elatissimum Persiæ Monarchā quemlibet etiam peccatorem figurabat. Itaque horū quilibet sibi quoquē consultū à Daniele dictūq; putet: *Peccata tua eleemosynis redime, &c.* Sed nō quivis hoc munificentiae spiritu abundat, quamvis æquē peccatis ac opibus abundet. Alius verò tametsi cupiat eleemosynarū largitione suis pro delictis satisfacere, vnde id præstet, non habet; cū ipse egeat, cū ipsi res angusta domi propē necessitatem faciat mendicandi. Huic ergo Augustinus occurrens ita ad rem nostram profatur. *Si aliquis ita pauper sit, ut nullam rem habeat, ut eleemosynam temporalem faciat; quia non potest fieri, ut ab aliquo non patiatur iniuriam, si ex toto corde omnibus in se peccantibus indulgeat, & contra nullum hominem odium teneat, atq; omnes sicut seipsū diligat: hoc ei procul dubio pro maxima eleemosyna reputabitur.* Hac eleemosynā peccata sua redimet, hac misericordiā misericordiam consequetur. Desunt, o peccator! tibi nummi, quibus debita contracta apud DEVM exsolvas? at forsan inimici nō desunt, calumniatores non desunt, obrectatores non desunt, persecutores nō desunt, adversarij non desunt,

am

æmuli non desunt, oppressores nō desunt: his ignosce, tibi DEVS ignosce: mansuetudine tuā eum ad clementiam provocabis: non se, crede mihi, eā sinet à te superari. Quod si liberalis tibi videris in egenos, at immitis in adversarios, non lenies irā DEI liberalitate, qui certius benignitate placatur. Frustra Thobiam, si non & Davidem imitaberis.

David mansuetissimus Regum defectuum suorū contemplatus multitudinem, extimescebat vehementissimē furorē Domini; hīc animo toto perturbatus clamabat: *ps. 77. Non est sanitas in carne mea à facie iræ tuæ, DEVS, non est pax oculis meis à facie peccatorum meorum. Quoniam iniquitates meae supergressæ sunt caput meum, & sicut onus grave gravatæ sunt super me.* Sed tandem revocatis in memoriā iniurijs, quibus cumulatissimē à capitalissimo hoste suo Saule obrutus fuerat, & nihilominus eas occasione commodissimā non fuerat ultus, alacriter spem veniæ à DEO consequendæ resumit, iāquē Divinæ iustitiæ executores cacodæmones, & eosdem animorū nostrorum hostes acerrimos, nihil metuēs ita demum colloquitur DEO: *Si reddidi retribuētib⁹ mihi mala, decidam meritò ab inimicis meis inanis.* O quot mortales hoc corruptissimo sæculo reperire possumus, quorum peccata numerum superant capillorum! quorum iniquitates caput supergressæ sunt! Quid igitur talium vnus aliquis faciat, ut scelera suorum pondere solvatur? Non dubito, quin

33

ad

ad D Petrum sit recurſurus, quoniam huic vni Ponti-
 ficium ligandi atque ſolvēdi peccatores traditum eſt.
*Quodcunq; ligaveris ſuper terram, (dicebat Petro Chri-
 ſtus Matt. 16. 19.) erit ligatū & in cœlis; & quodcunq; ſol-
 veris ſuper terram, erit ſolutum & in cœlis.* Benè eſt, bo-
 ne peccator. Ad Petrum vnà tecum ego vadā. Sed au-
 din', quid nobis Petrus eā cauſā faciendum inculcat?
*Ante omnia (inquit) mutuā in vobis metiſſis cōtinuam cha-
 ritatem habentes: quoniam charitas operit multitudinem
 peccatorum. 1. Pet. 4. 7.* Rem optimā ſvadet Petr', nec
 adeò difficilem. Amare mutuò ſine gravi moleſtia ac
 labore poſſumus. Nè tamen (quoniam & hoc fieri faci-
 le poteſt) in hoc amore erremus, rectam eius methodū
 præſcribens Gregorius hom. 38. *Nemo (ait) cū quēq;
 diligit, habere ſe protinus charitatem putet, niſi prius ipſam
 vim ſue dilectionis examinet. Nam ſi quis quemlibet amat,
 ſed propter DEVM non amat, charitatem non habet. Chari-
 tas enim vera eſt, cū & in DEO diligitur amicus, & pro-
 pter DEVM diligitur inimicus. Ille ergo ſecurus amat, qui
 propter DEVM amat, à quo ſe intelligit non amari. Ex ſen-
 tentia ergo Petri, charitas operit multitudinē peccatorū:
 ſed illa tantū ex declaratione Gregorij charitas, quā
 propter DEVM diligitur inimic'. Diligite, o peccatores!
 inimicos veſtros: benè facite hiſ, qui oderunt vos: di-
 mittite, & dimittemini*

Regum aliquis, quod Servator noſter apud Mat-
 thæum retulit, ſervos aliquando ſuos ad calcu-
 los

los vocaverat. Hos inter oblat' eſt ei vn', qui debebat ei
decem millia talenta. Ingens pro ſervo debitum & ſolu-
 tum iſtucile. Cū itaq; ſit axioma juris peritorum proba-
 tum; qui non poteſt ære, luat corpore: iuſſit hunc
 talem debitorem princeps ille *venundari, & uxorem
 eius, & filios, & omnia, quæ habebat; & pecuniam inde co-
 actam ſiſco tuo inferri.* Miſer ſerv', niſi regium animi ſi-
 naturā ſuā ad clementiam proniſſimum humillimā de-
 precatione flexiſſet. Advolutus enim pedibus domini,
 orabat egregiā ſubmiſſionis formulā: *Patientiam habe
 in me, & omnia reddam tibi.* Sic evaſit. Miſertus enī Do-
 minus ipſius dimiſit eum, & debitum dimiſit ei. Magna gra-
 tia, ſi gratum pecc' reperiſſet: inſignis clementia, ſi nō
 crudeli & impiſſimo homini fuiſſet exhibita. Nam hic
 nefarius prædo vix ē conſpectu regis egreſſus, cū v-
 num de conſervis ſuis reperiſſet, qui debebat ei centum de-
 narios, protinus apprehenſum ſuffocabat, identidem inge-
 minans: *Redde, quod debes: reſtitue centum denarios, re-
 ſtitue.* Perſonuit regiā totā hæc tanta crudelitas. Itaq;
 revocatus nequam exactor in carcerem conijcitur, tē-
 diū torquendus, donec ipſe ſuum redderet debitum, & ple-
 niſſimè exſolveret. Quem tangit hæc parabola? Chri-
 ſtianos peccatores: qui cū graviffima debita apud
 cœleſtem Regem contraxere, leviſſima ſuis proximis
 relaxare nolunt. Vnde ſequitur horrenda illa Chriſti
 comminatio: *Sic & Pater meus cœleſtis faciet vobis, quæ
 admodum rex ille fecit ſervo nequam; ſi non remiſeritis*

*conusquisq; fratri suo de cordibus vestris. Iudocus Clari-
us sacrarum literarum disertissimus interpres huic pa-
rabolæ Domini nostri lucem afferens: Hac ipsa lex in-
quit, est cœlestis Patris; qui etiam cupiens habere occasionem
ignoscendi, permittit offensiones inter homines accidere, ut
omnes debitores aliquos habeamus, quibus remittendū sit; ut
possit ipse maxima nobis remittere debita, quæ illi debemus.
Mirari possit aliquis, cur inter Christianos, quos ita mu-
tui vinculum amoris debeat connectere, ut omnes v-
num cor animamq; vnā habeant: quemadmodum
in actis Apost. de primitiva Ecclesia scriptum est, Mul-
titudinis credentium erat cor vnum, & anima vna: cur, in
quam, nostrā tempestate tot inter Christianos differē-
tiæ, nè dicam inimiciæ, reperiantur; ut vix aliquē mō-
strare possis, qui non aliquem aduersarium habeat, aut
insectatorem? Permissione Divinā id asserit fieri Clari-
us: (orat. 53. in Matt.) ut dimittendo proximis, à DEO
quoq; veniam obtineamus: qui etiam cupiens habere oc-
casione ignoscendi permittit offensiones inter homines ac-
cidere, ut omnes debitores aliquos habeamus, quibus remit-
tendum sit; ut possit ipse maxima nobis remittere debita,
quæ illi debemus. Nos verò tam impudenter deliramus,
ut malimus in tartarum præcipitari, quàm verbulum
aliquod scommaticum, quàm exiguum contemptum,
quàm leuem iniuriolam nobis illatā æquo animo fer-
re, condonare, in vulnera Servatoris demergere: cum
tamen quotidie clamem? ad PATREM cœlestem, dimic-*

*tenobis debita nostra, sicut & nos dimittimus debitoribus nostris. Aut ergo dimittendum est, aut, si non dimittimur, mentiendum coram DEO. Sed quo fructu? ut auctoritatem debitorum faciamus? absurdum est, & maximae infan-
diae. Danda venia potius etiam non petentibus, ut eam petentes impertiamur a DEO. ignoscendum est, ut nobis ignoscatur.*

Audi, mî Christiane, Præceptorem tuum & Ducẽ
è Crucis cathedra verba facientem. Quid dicit?
Pater , dimitte illis : non enim sciunt , quid faciunt.
Expende voces singulas, quot plenæ mysteriorum! Pa-
trem compellat, Patrem exorat; qui se tam egregiè Fi-
lium eius probavit, vt omninó mereretur exaudiri. Di-
mitti petit, non dissimulari, delicta inimicorum: dimit-
ti rogat poenam simul & culpam; & quidem culpã tam
enormem, quã non gravior altera toto orbe vnquam
audita est; scelus horrendum, ingens, invisum, immen-
sum, inexpiablem! Pro quibus autem deprecatur? pro
illis; à quib⁹ proditus, captus, victus, raptatus, illusus,
percutsus fuit: pro illis; qui ei sacrilegas manus iniece-
runt, qui in eum testimonia falsissima congesse-
runt, qui in eum testimonio falsissimo iudicarunt, qui spinis caput ei⁹
cruentarent, faciem sole sereniores imputis fedarent,
pugnis & alapis cõfregerunt, collum catenis onerarunt,
totum corpus illius a planta pedis vsquẽ ad verticem
capitis plagis ac vulneribus conciderunt: pro illis; qui
cum acculerunt innocentem, ad suppliciũ postularunt

nullo scelere pollutum, Barabbæ latroni & homicidæ
postposuerunt, ferali sententiâ damnarunt: pro illis;
qui oneratum patibulo ad infamē reorum aream tra-
xerunt, vestibis dirē spoliarunt, clavis ad crucem im-
maniter affixerunt, medium latronum statuerunt, siti-
entem felle acetoq; potarunt, orantem blasphemave-
runt, patientem illuserunt, pro se deniquē æterno PA-
TRI supplicantem despexerunt. Hjs tamē ille tam atro-
cibus, tam nefarijs, tam consceleratis inimicis, non so-
lū ipse ignoscit, sed & PATREM suum reconciliat; id
verō tantā bonitate, tam inauditā mansuetudine; ut,
quō facilius veniam illis obtineat, cū scelus ipsum ut
potē apertissimum non possit excusare, intentionem
excuset, ignorantiam prætendat, amētes, qui ut delibe-
ratē ita malitiosē nihil agunt, ostendat: *Non enim* (ait)
sciunt, quid faciunt. O abyssum clementiæ ac pietatis! Vi-
de, quā præclarum tibi exemplum diligendorū ini-
micorum præbeat, o peccator! atq; id maximo tuo bo-
no. Quamprimum enim bilem, quam foves adversus
illum æmulum, aut illum inimicum, è tuo pectore eje-
ceris; illicò te pietissimum Numen oculo benignissi-
mo respiciens, & veniā scelerum omniū donabit, & co-
piā suarum cumulabit gratiarum. Hoc sentiens Docto-
rum Doctor Augustinus ita nobis loquitur vniversis.
*Vos ad inimicorum dilectionem admoneo, quoniam ad sanā-
dum peccatorum vulnera nullum esse medicamentum vti-
lius cognosco. Licet magnus labor sit inimicos diligere, sed*
ma

*magnū erit præmium in futuro. Qui dilexerit inimicos, hic
erit DEI amicus: non solū amicus, sed & Filius.* O felicis-
simum hominem, qui per inimicorum dilectionem &
remissionem peccatorum consequitur, & in DEI Filiū
adoptatur! *Obsecro* igitur vos cum illo auctioris Ponti-
fice, qui summas iniurias à summis inimicis irrogatas si-
bi patiētissimē tulit; obsecro vos quotquot nomē Chri-
sto dedistis: *ut obtemperemus doctrinæ Christi; & non so-
lū diligentes diligamus germanē, omni odio & rancore ab
animab. nostris eliminato; sed & eos, qui hostiliter nos per-
sequuntur, diligere studeamus. Nec enī aliter nos saluari pos-
sibile erit Immo magis diligere studeamus inimicos, ut po-
tē eos, qui nobis innumerorum bonorum sunt authores.*

*Sic enim & peccatorum nostrorum remissionem
invenire, & humiliatā mēte, & cōtritā ani-
mā, DEVM precari poterimus.*





ORATORIS CRUCIFIXI
VERBUM II.

Amen dico tibi: hodie mecum eris
in Paradiso. *Luc. 23.*

Pœnitentiâ cælum expugnari.

Iosephus Patriarchæ Iacobi filius, patri unicè dilectus, & ob id divinosq; fauores fratribus invisus, ab hisq; venditus Ismaelitis in Ægyptum auferendus, & hîc scelere nefariæ coniugis Putipharis principis exercitûs Pharaonis in carcerem coniectus; cum in hoc duos socios, nempè pincernarum pistorumquè regionum præfectos, nactus fuisset, horumq; primo certam libertatem ex enarrato sibi somnio prædixisset, rogavit deniq; eum, vt honori primo restitutus non oblivisceretur sui. *Memento mei* (aiebat gen. 40.) *cum venè tibi fuerit, & facias mecum misericordiam, vt suggeras Pharaoni, vt educat me de isto carcere: quia furto subla-*

sublatus sum de terra Hebræorum, & hic innocens in lacum missus sum. Dixisses verba hæc fortissimè inhæsisse animo tantâ consolatione delibuto, & his precibus devincto; nisi prosperior fortuna restituti honoris apprehensione illa penitus erasisset. *Succedentibus prosperis propositus pincernarum oblitus est interpretis sui* Non ita Redemptor noster Duos in Cruce supplicij nactus comites, latronem vtrumq; cum ab altero eorum hanc deprecationem percepisset: *Domine, memento mei, cum veneris in Regnum tuum:* illicò, adiectâ solennis iuramenti formulâ, sanctè ei pollicitus est, se post aliquot horarum spatium eum secum in paradysum assumpturum. *Dixit illi IESVS: Amen dico tibi: Hodie mecum eris in paradiso.* Dixit, fecit; promisit, implevit. Eâdem die latronem in paradiso collocavit. O promissionem felicissimam! At quo conatu acquisitam pœnitentiâ. Hæc enim est illa clavis, quâ peccatores ianuâ sibi cœlestis paradisi referant: inmodò aries, quo eandem perfringunt. vti luculentiùs exponam.

Postquàm nostri generis authores, præceptû Dei de non tangenda arbore scientiæ boni & mali sibi propositum violarunt; pulsi ex illis amœnissimis Elysij Regni viretis in luctuosæ mundi vallis exilium, vnico peccato & sibi & suæ posteritati paradisi ianuam perpetuò obserarunt. Quod sacer historicus his verbis testatus: *Emisit, inquit, Dominus DEVS de paradiso voluptatis eiecitq; Adam. & nè quâ infaulto exuli ad illam*

dam felicem Patriam reditus aliquis pateret, collocavit ante paradysum voluptatis Cherubim, & flammeum gladium atq; versatilem ad custodiendum viam ligni vitæ. Per has tales excubias irrumpere vi, aut intrare furtim in paradysum, non est possibile; maximè illis mortalib; qui originali peccato actualia plurima adiecerunt. Afferit tamen ingeniosus Isidorus, pio quodam stratagemate posse quemvis peccatorem paradysi ianuam quamvis munitissimam occupare, & ad lignum vitæ penetrare; si nimirum se in frameatum Cherubim transformet. *Qui ad DEVM convertitur* (ait ille) *per flammeam frameam versatilem, id est, per tribulationes temporales vrētes, peccata sua agnoscendo & gemendo: & per Cherubim, id est, per plenitudinem scientiæ, quod est charitas, sine qua contritio perfecta, quæ clavis est paradysi, dari non potest: ille pervenit ad Arborem vitæ Christum, & vivet in æternum.* Illustro hunc eruditi Doctoris conceptum historiâ militari. Barbarussa (quod Iovius memorat hist. lib. 38.) Mahometanæ sectæ & factionis latro, ac postea Tuncitanus in Africa Rex, Magonis portum Hispanistum subiectum occupaturus, quò facilius id perficeret, Cæsarianæ clasfis speciem explicatis Christianorum insignium vexillis præbuit defensoribus. Hi suos adesse rati etiam insignum lætitiæ explosis tormentis hostem intus admiserunt. Hac arte portum ille cœpit, & paulò post oppidum ipsum. Tartarorum quoq; Asiaticorum Rex, ab Vlsangeio (narrat hoc Martinus Martini? S. I. scriptor) im-

impigro & fidelissimo Sinici Imperatoris Duce in suppetias Domino suo contra latronem Lieungzum ferèdas vocatus, tale vocanti dedit monitum. *Vt nostra certa sit victoria, svadeo, ut tuos milites Tartaricâ veste ac pileo scissisq; capillis vti iubeas: ita fiet, ut latro nos omnes Tartaros credat.* Credidit, & potentiam veritus fugit. Verù & Poloni, Premislo aurifabro stratagematis auctore, & mox in præmium Principe, cæsis per insidias Vngarorum Moravorumq; cohortibus, arma vestesq; cæsorum induit etiam in castra pro suis quasi victorib. recepti fuerunt; quibus feliciter hostem, provehente astu fortunam, exuerunt. Vultis & vos, o peccatores! capere paradysum voluptatis? Effingite frameatos Cherubinos: poenitentiam ardentem arripite, quæ vos excubijs paradysi efformet similes: sic pro Cœlitib. agniti ad munitissimam illam portam admittemini, sic ad lignum vitæ perumpetis. *Qui ad DEVM convertitur, &c.*

Ezechiel vates nutu DEI sublat⁹ fuit in montem excelsum, super quem erat quasi ædificium civitatis vergentis ad Austrum; cuius Civitatis portæ Orientalis & Aquilonaris in omnibus planè mensurâ & modo conveniebant. Radolphus hoc non absq; arcano factum esse contemplat⁹ sententiâ suâ propositum meum confirmat. Dicit enim Civitatis Ezechieli monstratæ [quæ non alia sit quàm cœlestis paradysus] portas æquales esse propterea: quòd tam iusti, qui per orientalem portam eò ingrediuntur, quàm poenitentes

peccatores, qui per Aquilonarem admittuntur, planè sibi sine æquales. Quamvis enim peccatores iustitiam originalem amittant, per dignos tamen poenitentiae fructus ad innocentium sanè statum perveniunt. Vnde sicut his porta patet orientalis in paradysum, eo modo patet illis Aquilonaris, parè cum iustis ad Superos habent ingressum. En mentem doctissimi interpretis affero. *In Ezechiele (inquit is) porta ad Aquilonem ea oia, quæ porta ad Orientem, perhibetur habere. Omnes enim, qui ab utero in innocentia perstiterint, portam ad Orientem habent; quia eis Regni coelestis aditus à lumine, quod acceperunt patet: & omnes, qui in peccatum postmodum lapsi torporis sui frigore sunt depressi, si per poenitentiam redeant, portam ad Aquilonem habent; quia eis etiam post peccati frigora Regni aditus per misericordiam patet. Quod ut nobis clariù elucescat, sciendū est, binas claves esse inter Ecclesiae Sacramenta, quibus coelum nobis referamus: Baptismum nempe, ac Poenitentiam. Et Baptismus quidem, docente sancta Tridantina Synodo, ita homines innocentes, immaculatos, puros, innoxios, ac DEO dilectos efficit; ut nihil prorsus eos ab ingressu cœli remoretur; quoniam Veritatis æternæ promissum est: Qui crederit, & baptizatus fuerit, salvus erit. Poenitentia verò commissa lapsorum post Baptismum peccata sic excoquit, ac emundat, ut ad pristinum nitorem per eam redeuntes digni cœlo reperiatur. Ac proindè tam in sacris literis quàm à sanctis Patribus baptismus vocatur; quod quæadmodum ille*

re-

renatis per aquam, ita hæc à peccato resalutatis per gratiam coelum pandit. Patet igitur iustis & innoxij cœli porta Orientalis, at etiam peccatoribus contritis & poenitentibus patet Aquilonaris: quæ ideò per omnia similis primæ ab Ezechiele visitur, ut agnoscamus æquè peccatores coelestis gloriæ donis cumulari, ubi seriam poenitentiam egerint, atque eos, qui nullo scelere innocentiam suam originalem polluerunt. O peccatores! apprehendite hanc clavem felicem Poenitentiae, nè soli innocentes cœlo gaudeant: illis coelum Baptismus aperit; vobis, modò velitis, aperiet idem Poenitentia. *Omnes enim, qui ab utero &c,*

Diximus aperiri coelum Poenitentia, restat, ut idem eadem expugnari probemus. Prodrum ille Solis æterni Ioannes, postquam coepit doctrinæ suæ radios super fluenta Iordanis diffundere, plurimos ad se statim omnis ac sexus mortales pertraxit, & adeò illuminavit, ut visis peccatorum suorum tenebris illum serio de modo fugandi easdem compellaverint. Quid ergo faciemus? Tūc is nullam certiorē ac solidiorem luminis gratiæ recuperandi videns rationem quàm sit Poenitentia, brevi sed efficaci sermone cunctos ad eam hortatus: *Facite ergo (dicebat) fructus dignos poenitentiae.* Alijs verò opulentioribus, at fortè non prodigis in egentiores pias largitiones persuadens: *Qui habet duas tunicas (dicebat) det non habenti; & qui habet vescas, similiter facias.* Publicanorum deinde avaritiæ ha-

c

be-

benas iniiciens: *Nihil ampliùs (dicebat) quàm quod constitutum est vobis, faciatis.* Tandem & milites, quorum plurimi profectò rapinis & oppressione pauperum ad luxuriam vsq; abutebantur, nec alio fine invalidæ plebis fortunas exhauriebant, quàm vt lautissimis convivijs sædisq; comotationibus eas absumerent, ita allo cutus est. *Neminem concuriatis, neq; calumniam faciatis; & contenti estote stipendijs vestris.* Hæc Vocis illi in deserto clamantis concio tam fuit efficax, vt integras ferè legiones hominum sceleratorum ad cælum poenitentia expugnandum concitaverit. Disertissimè hoc cœlestis ipsa Veritas his apud Matthæum verbis testata est. *A diebus Ioannis Baptiste Regnum cœlorum vim patitur, & violenti rapiunt illud.* Quod testimonium illustrans doctus interpres Cornelius: *Peccatores, inquit, vt publicani, meretrices, & gentiles, ipsis Phariseis & Iudeis, qui sibi solis quasi filijs Abrahæ hoc debitum putabāt, fervore spiritus & poenitentia Regnum cœlorum præripiunt, eripiunt, auferunt. Vim enim facimus Domino, (vt melliflu⁹ docet Ambrosius) non compellendo, sed flendo; non provocando iniurijs, sed lacrymis exorando; nō blasphemando per superbiam, sed per humilitatem mœrendo.* O fortissimū & validissimū arietem Poenitentia! quæ DEO facit violētiam, rapit cælum, expugnat paradisū. Iuvat hoc ipsum eleganti historiā elucidare. Magdeburgum, nobilissimū & opulentissimū ad Albim Emporium, ad eam opportunitate loci (quod Florus Germanicus

affirmat) paulatim potentiam excreverat, vt Romanis Imper. sæpè grave, illis eorum conatibus, suam multis sæculis virginitatem illibatam conservaverit. Sed hanc auspicijs Ferdinandi Augusti, cuius imperiū excutiebat, Vrbi rebelli erepturus Magnus ille piusq; bellator Tyllius, eam grandi exercitu cinxit, spoliata què propugnaculis, fame pressam, tormentis laceram ad deditionem compellere satagebat Et iam cives nō exiguis afflicti malis clementiam victoris quàm ruinā vrbis experiri potiùs cupientes, ei sese conditionibus quibulvis tradere destinabant, in eumq; finem tubicinem ad Tyllium expediebant: cū, segniùs re procedente, socius obsidionis alter, Popennaimus, fortissim⁹ & pugnacissimus miles, gloriæ, forsan & prædæ, avid⁹ in vrbis inimicæ perniciem suos ita (iuxta Baptistam Burg. l. 2.) cōcitāt. Quousquē (dicebat) rebellis hæc Civitas vestram virtutem, Commilitones, eludet? An nē huic obsidendæ nostram omnem ætatem impendemus? impunes nobiscum Magdeburgenses transigēt? Servabunt patriam, domos, aurum, qui tantū nobis negotiū facesiverunt; nos, qui tot tātosq; labores in hac obsidione exantlavim⁹, sine præmio abimus? Sic erit, Milites. Ecce iam tubicinem nostrum dimittunt. Tyllio æquis conditionibus se dedunt: nos meritā partāq; prædā defraudamur, & laceras vestes, vulneratum corpus, defessam animam reportabimus? Quid poti⁹, priùsquàm hæc concludantur, duobus istis agglomera-

tæ argillæ cubitis superatis, in inermem illam plebecu-
 lam ferro irrumpimus? Ascendere vallum labor erit so-
 lum; cœtera, cædes inertium, vastationes domorû, sola-
 tium: supellectiles, divitiæ, quibus Magdeburgenses a-
 bundant, præmium erunt. Agite, milites, me ducem se-
 quimini: perfidiam sine poena, iniurias sine ultione, no-
 stros labores sine præmio, esse non patiamur. Dixit, &
 haud secus quam alijs persuaserat se gerens, districto gla-
 dio, fossam primus ingreditur, superatisq; suis muniti-
 onibus contra vallum tendit, & milites pari alacritate
 ducem sequuti inferiorem valli partem occupant, mox
 superiorem aggressi ex ea quoq; Magdeburgenses de-
 turbant, confectoq; plumbeâ glande, qui potentiùs re-
 sistebat, & iam Cæsarianos repellebat, Falchêbergio,
 Urbem capiunt, diripiunt, incendunt. Sorti ego hîc Ma-
 gdeburgensium condoleo; sed Ciuitatem illam cœle-
 stem, quæ Apocalypstico Vati quondam fuit exhibita
 in forma nouæ Ierosolymæ, non aliter à nobis posse ca-
 pi animadverto. En ducem strenuissimum D. Ioannē
 Baptistā verbis operibusq; nos eò provocantem! Vul-
 tu ieiunij emaciato, oculis profundè capiti meris, ca-
 melinâ pelle rigidus, pedes nudus, ex sanguine, exhaustus,
 divini tantum spiritus affluentia repletus, prædicat ba-
 ptismum poenitentia: arietem cœlo expugnando sup-
 peditat: vi magna rapiendum ostendit: pulsandum ge-
 mitu, effringendum ieiunij, pijs largitionib. apud cu-
 stodes eius proditiōem emendat: quod si hoc sanctū stra-

tagemā non succedat, per stragem corporum nostro-
 rum, per mortificationem, dico, membrorum contra
 animas militantium eò irrumpendum. Fructus poeni-
 tentia: dignos qui facit, Regnum cœlorum violentus
 raptor ingreditur; nec ei audet se, nec potest oppone-
 re DEVS ipse, quandoquidem seipsum tali iuramento
 obstrinxit apud Ezechielem c. 33. *Viro ego; nolo mori
 impij, sed ut convertatur impius à via sua, & vivat.*

Quod cum ita sit: *convertimini, convertimini à vijs ve-
 stris pessimis; & quare moriemini Domus Israel?* Quare da-
 mnari potius vultis, quam salvari; ô peccatores! quo-
 rum gratiā Christus, DEI Filius, incarnatus, passus, cru-
 cifixus, mortuus est? Si vobis cœlum scelera obsera-
 vere, arripite poenitentia: arietem, & hæc sefas con-
 velletis, viq; vobis aditum ad vacuas inde pulsum
 Angelorum sedes patefacietis. Nè dubitate, vos id effe-
 cturos, quod iam vnus ex genere latronum effecit.

PEndebat is in furca sua iuxta dextrum crucifixi
 Sevatoris latus, & fortè hunc pro inimicis Æter-
 no Patri supplicantem audiebat. Hinc cogitare
 coepit, & statuere secum: illum esse, integræ vitæ, scele-
 risq; purum; iustum prorsus & innocentem tam diro
 supplicio affectum. Præterea superveniente maiori lu-
 mine agnoscit facinora sua pessima, quorum causâ da-
 mnatus erat temporali morte, æternâ damnandus. Et
 quamvis assentatus Hebræis in pientissimum IESVM
 paulò antè blasphemias cum iisdem evomeret; inter-

Et tamen repentinè vicini SOLIS fulgore mutatus pa-
linodiam canit. Nàm sociū & supplicī & blasphemīæ
audacter aggress⁹: Neq; tu times DEVM (arguebat) quòd
in eadem damnatione es? Et nos quidem iustè nā digna fa-
ctis recipimus: hic verò nihil mali gesit. O Latro! aude
iam plura. Hic, quem defendis, insons, DEVS est: tuus
Redemptor est: pro te ista, quæ obstupescis, libenter il-
le patitur. Quin magis illū tibi forti deprecatione con-
cilias? Facit: &, Domine, ait, Memento mei, cū veneris
in Regnum tuum. Et hac voce non potuit mansuetissi-
mum Domini pectus expugnari? expugnatum est. Cō-
cesit bonus Dominus reo veniam, & dixit illi: Amen dī
co tibi: hodie mecum eris in paradiso. Hoc audiens Chry-
sostomus planè admirabundus differit. Iste Latro de li-
gno mercatur salutem, hic latro furatur cœleste imperium,
vivim facit Maiestatē. quā ratione? seriā, licet seriā, poeni-
tentiā. Advertens enim delicta sua conteritur, ac sum-
mo Sacerdoti IESV secum crucifixo humillimè con-
fiteatur. Hinc memoratus Doctor in alias voces iterū
erumpens: Prædonem, ait, & raptorem paradisi vidisti?
quomodo neq; in cruce artis sue obliviscitur, sed per ipsam
confessionem prædatur regnū. Vnde felicissimum ratus
D. Cyprianus Carthaginensis Præsul & Martyr sic pro-
fat⁹. In cruce Latro confitens non tantū indulgenciā me-
ruit, sed Christi familiaris effect⁹ præmissus est in paradisu,
& factus est particeps regni per confessionem, collega marty-
rij. Docuit nos hic Latro Poenitentiā cœlum referare
aut

aut expugnare: docuit furari, prædari, rapere, divitias
immortales. NON enim hoc illi soli (ut cum Augustino
concludam) præstitum esse deprecandū. Nēm dūm
tantum reum CHRISTVS Dominus benignè rela-
xat, humano generi scripsit securitatem: ut con-
solatio, spesq;, totius populi, absolutio v-
nius desperati esset, & privatum donum
cresceret in publicum beneficium.



ORA.



ORATORIS CRUCIFIXI VERBUM III.

Dixit MATRI suæ: Mulier, ecce Filius
tuus. Deinde discipulo. Ecce Mater tua. *1. an. 9*
Clementissimã V. Mariã esse peccatorũ Matrẽ, hõs
illis esse filios, i. Ioãne à Receptore eidẽ cõmẽdãtos.

Gratulor hanc felicitatem castissimo Ioanni,
quodd ei Dominus noster moriturus in Cruce
virgini Matrem Virginem commendaverit.
Sed vnã vehementer gaudeo: eidem pientissimæ Ge-
nitrici DEI peccatores quoslibet pro Filiis in Ioanne
fuisse commendatos. Eruditus enim Divini verbi pa-
raphrastes Cornelius ita hinc in persona Christi Matrẽ
sacratissimam alloq̃uitur. O MATER! esto d. inceptis muli-
er fortis & generosa: quæ mei loco sis basis, petra, & colu-
mna mea Ecclesiæ; ut eam robore tuo fulcias, & omnes con-
tra eam tentationum procellas tuã constantiã, consilio, ora-
tione, elidas, & dissipas, non tantum nunc, sed & deinceps o-
mini-

mnibus seculis vsq; ad finem mundi. Bono animo estote,
peccatores. Ecclesiam suam crucifixus IESVS piẽ-
tissimæ suæ Matri commendat: illã, dico, Ecclesiam, in
qua, teste magno Gregorio, *malis cum bonis, reprobis cum*
electis admixti sunt. Sic enim vos malos cum bonis in
Ioanne Dominus noster Virgini commendasse censẽ-
dus est: vobis eam pro benefica Parente obtulit. *Dixit*
Matri suæ: Mulier, ecce, (vnumquemq; nostrum, bonum
& quẽ ac malum denotans,) Filius tuus. Deinde discipu-
lo; (nimirũ, cuius homini, & quẽ iusto ac peccatori.) ec-
ce, Mater tua. Hinc religiosissimus pater Richardus à
S. Laurẽtio, singularis Divinæ Genitricis encomiastes,
quo loco staret illa iuxta Crucem IESVS, innuens, præ-
clarẽ mihi favet his verbis. *CHRISTVS moriens ipsam,*
nempẽ Matrem suam integerrimam, habuit ab Aquilo-
ne, quo significantur peccatores: quasi hoc ipse diceret; quod
ipsa mediante dextram extenderet peccatoribus congelatis.
Cum itaq; sit rar⁹ inter mortales, qui se nõ sentiat mul-
tis delictis oneratum pœnas mereri sempiternas; vide-
at, obsecro, quàm singulari studio pietatis, ac fervore
devotionis, prosequi debeat Virginem Matrem, à cu-
ius clementia certissimam salutem non modò possit
expectare, sed etiam teneatur.

Dignissimam memoratu rem, nec à meo propo-
sito alienam, vates Apostolicus capite duode-
cimo suæ Apocalypses notavit. Refert ibi: ex-
hibitam sibi fuisse, Mulierem amictam Sole, pedibus in
d. sicut a-

sistentem Lunæ, stellis duodecim nitidissima tempo-
 ra circum ornatam, partui se accingentem. Verum præ-
 sentissimus aderat draco, earam puerperæ sobolem,
 quamprimùm in lucem fuisset edita, voraturus. Enixa
 tamen est absq; periculo cœlestis Mulier Filium ma-
 sculum. Hic namq; draconis faucibus vt subtraheretur
*raptus est ad DEVM & ad thronum eius: Mulier verò fu-
 git in solitudinem.* Interea temporis erumpit ex aula cœ-
 lesti Divinæ militiæ Imperator, Michael, cumq; sua le-
 gione draconem aggressus profligat, deicit, terræ alli-
 dit. Iniquissimè tulit hanc, sibi ab auxiliariis Divæ il-
 lius copiis illatam stragem; serpens antiquus: quapro-
 pter resumptis iterum viribus eandem persequitur. Ve-
 rum datis illa sibi cœlestis alis duabus tempestivè de-
 nuò avolat in solitudinem. *Postq; eum vidit draco (sic rē
 divinus vates describit) quod ei projectus esset in terrā, per-
 secutus est Mulierem, quia peperit masculum: & data sunt
 Mulieri ala dūc Aquila magna, et volat et in desertum in
 locum suum.* Pientissimus Scriptor Bernardinus de Bu-
 sto per hanc admirandam Mulierem sidereo diadema-
 te redimitam, Phœbeā lampade cinctā, Lunæ cœli sca-
 bello sacris plantis innitentem, & ingentibus Alis in-
 structam, ipsissimam V. DEI PARAM, iustorum & mul-
 tō magis peccatorum Patronam & Advocatam singu-
 larem, omninō vult intelligi, dūm sic visionem Ioannis
 explanat. *B. VIRGO sub alis suis nos custodit, & ab infidi-
 is nos protegit. Ipsa enim est Mulier, cui data sunt Ala Ma-*

gna

*gna: una Ala misericordia, sub qua peccatores confugiunt,
 vt DEO reconcilientur; alia est Ala gratia, sub qua iusti cō-
 fident, vt in gratia conserventur.* Sed cur prima Ala pee-
 catoribus est protegendis assignata, iustis postmo-
 dū altera? Fortè ideò: quod iusti possunt ipsi facile si-
 bi impetrare Dei gratiam, cum semper ferè sint in gra-
 tia; peccatores verò per peccatū inimici deo facti, quo
 pacto illi possunt efficaciter supplicare, quandoquidē
 Deus peccatores non audit? Itaq; hoc muneris B. V. M.
 commissum est, vt frequentior ac ferventior, & propē
 solis peccatoribus apud DEVM suumq; dilectissimū Fili-
 um patrocinetur. Quare illā devotissimè hac de re cō-
 pellans D. Germanus Patriarcha Constantinopolensis:
*TV, inquit, cum habe is Maternam apud tuum Filium fidu-
 ciam & potentiam, nos, qui sumus condemnati, & non ad de-
 mus intueri cœli amplitudinem, tuis interpellationibus & in-
 tercessionibus DEO nos efficis familiares, das salutem, ab æ-
 terno liberas supplicio.*

Hoc ipsum deus ipse videtur nobis innuisse, cū
 deutor. 32. sic peccatores alloqueretur. *Vide-
 te, quod ego sum solus, & non fit alius DEVS præter
 me. Ego occidam, & ego vivere faciam; percutiam & ego sa-
 nabo: & non est, qui de manu mea possit eruere.* Hac namq;
 Divina verba doctissimus Richardus in dialogysmum
 solertissimè dispoens, & alia Christo domino peccato-
 rum iudici, alia clementissimæ eius Matri peccatorum
 advocatæ tribuens, nō absq; magno solatio nostro in

de

hunc

hunc modum ratiocinatur. *Sapē, quos Filij iustitia damnat, Matris misericordia liberat: quæ scilicet iustitia Filij & misericordia Matris videntur sic altercari. Quasi dicat Iustitia: Ego occidam, & percutiam: Misericordia Matris respondeat: Et ego vivere faciam, & sanabo. Dicit etiam Misericordia Matris illud, quod sequitur: Et non est, qui de manu mea possit eruere. Deniq; concludens hunc Dialogismum disertus Pater ita stimulat & excitat peccatorem, ut ad MARIAM quasi certissimum Asylon confugiat ab ira DEL. Fugias igitur (clamat Richardus) sub protectionem manus eius, & nihil timendum est. nihil penitus, nihil. Non vehementia accusatoris, non magnitudo criminis, non furor iudicis, non vis infernalium tormentorum, non æternus carcer damnatorum. O Urbem Refugij & potentissimam & pientissimam! in cuius tutela nihil est peccatori metuendum, nihil, nihil. O Matrem, longè quàm dici aut cogitari potest, misericordissimam! in cuius gremium nocentes filij Adæ ubi se receperunt, ab omni metu atq; periculo mortis æternæ sunt immunes, & felices æternitatis acquirunt securitatē.*

Profectò Dominus Deus noster, cuius bonitatis & clementiæ nulli termini sunt, nè pro suæ rigore iustitiæ nos aliquando turpiter delinquentes punire severius aut perdere cogeretur, protectricem nobis V. MARIAM eo modo providit apud se, quo Hebræis olim apud regem Persarum ac Medorum patronam Hesterem paraverat. Persuasus fuerat ille rex (As

ive

vero nomen erat) à sceleratissimo aula suæ delicio Amano, odium suum in Mardochæum verum Israëlitam explere conante: ut, quotquot in eius provinciis Hebræorum numerarētur, vno eodemq; die simul trucidarentur universi. lamquæ fuit ferale decretum cœdis istius horrendæ ac impiæ regia in vrbe promulgatum, iam conclamatum erat de vita fortunisque miserri mi populi: qui plenus desperationis metusq; lugebat, eiulabat, lamentabatur, & ante ferrum gemitu dolore quæ concidebatur. *Dependit edictum in Susa, Rege & Aman celebrante convivium, & cunctis Iudæis, qui in Vrbe erant, flentibus. Hest. 3. 15. Sed en affulsit inopina spes oī spe destitutis. Hester enim Regina, genere Hebræa, de hac suæ Gentis calamitate à Mardochæo edocta, tam efficaces pro ea avertenda regi preces obtulit: ut non solum crudele edictum subito fuerit abolitum, sed insuper auctor edicti suspendio mulctatus. Sustensus est Amā (ait sacer codex Hest. 7.) in paribulo, quod paraverat Mardochæo, & Regis ira quievit. Hester illa Iudæorum liberatrix, Typus erat Virginis benignissimæ Terræ Cœli quæ Regiæ, protectricis peccatorum. Quis enim igitur noster, quæ sententia æterni supplicij in peccatorem miserum lata est? Anima, quæ peccaverit (loquitur Deus Ezechiel. 8.) ipsa morietur. Quali morte? æterna. Sic enim hoc suum funestum edictum horrendus Iudex declarat apud Athanasium in symbolo Fidei. Qui mala egerunt, ibunt in ignem æternum. O peccatores! o de-*

d3

spe

sperati? quorsum, quorsu vos tam tremenda & infelici
 sententia subducetis? ecquis ab illa vos liberos faciet?
 quis absolvet? Nonne *Intemerata, prorsusq; pura Virgo,*
DEIPARA, Regina omnium, Spes desperantium? Sic sentit
 D. Ephrem, Syrus. Ad hanc quemlibet consccleratoru
 iubens recurrere Bernardus, eius delicia: *Si criminum,*
ait, immanitate turbatus, conscientia feditate confusus, ludi.
cis horrore perterritus, barathro incipias absorberi tristitia,
desperationis abyso: cogita MARIAM, MARIAM invoca. Il
la enim est propinqua nostra, illa contribulis nostra, illa de ge
nere nostro. Facilius quemvis audit, quam DEVS offensus:
quin hunc nobis ipsa conciliat. Hoc ipsum Hugo de S. Vi
ctore: Si pertimescis, ait, supplicaturus ad DEVM accedere,
respice ad MARIAM. Non illic invenies, quod timeas: genus
tuum vides. Iam veni mecum (adjicit eximi⁹ Virginis cul
 tor B. Ildefonsus) *ad hanc Virginem, ne sine hac properes ad*
gehennam. Veni: abscondamur sub velamento, ne induaris co
fusione sicut diploide O peccator! (Exclamat Bernardinus
 de Busto) *ne te desperationis barathro immergi sinas. sed con*
fidenter ad potentissimam hanc clementissimamq; Advocata
recurre. Ipsa tibi succurret sine dubio, quia potest. immo de
bet, qua de causa? Nam ei peccatores in Ioanne, ut filij
commendati sunt.

Nillum habeo dubium: vnumquemque scire vel
 le. Cur Beatissima V. MARIA sapientissimo
 Regi, inter varias, quib. ea ductu divini Spiritus
 adumbravit, figuras, etiam in Lunae specie fuit repraesentata

tata Hanc enim is conspicat⁹ can. 4. sciscitabatur. *Qua*
est ista, qua progreditur, quasi Aurora consurgens: pulchra,
ut Luna; electa, ut Sol? Intelligemus omnes hoc myste
 rium, postquam fuerimus recordati: quod officium a se
 conditae Lunae DEVS imposuerat, cum illam coelesti fir
 mamento affixisset. nempe: *ut praeset nocti.* Quid au
 tem hic putatis noctis nomine significari? Peccatores.
 Falsus hoc ingenuè Paulus ex Saulo, ita scribens Ephesi
 is cap. 5. *Eramus aliquando tenebrae: nunc autem lux in Do*
mino. Talem se & Augustinus, postea sanctissimus, non
 erubuit coram DEO profiteri Sol. c. 38 his verbis. *Erat*
nubes magna & tenebrosa ante oculos vanitatis meae, ita, ut
videre non possem Solem Iustitiae, & lumen Veritatis. Invol
tebar in tenebris filius tenebrarum: tenebras meas amabam,
quia lumen non cognoscebam. Cæcus eram, & cæcitatem ama
bam, & ad tenebras per tenebras ambulabam. Quis demum
 dubitet, noctem frequenter in Divinis literis quadrare
 peccatoribus, si vel hunc vnicū Solis Claravallensis ra
 dium, quo sacram paginā illustrat, contempletur? Nox
 est (ait Bernardus) *Iudaica perfidia: nox ignorantia Paga*
norum: nox Hæretica pravitas: nox etiam, Catholicorum car
nalis animalis fræ conversatio. An non nox, ubi non percipiū
tur ea, quæ sunt Spiritus DEI? Qui dicit, se in luce esse, & fra
trem suum odit: in tenebris est adhuc, in tenebris ambulat, &
nescit, quò eat: quia tenebrae occaecaverunt oculos eius. Ita
sensit dilectus Christo Apostolus epistola 1. c. 2 Si ergo
peccatores sunt, Nox ad his præbendum lumen sanctis
 sima

V. MARIA, cuius nomen ipsum sonat illuminatricem,
à facie DEI progreditur, quasi Aurora confurgens: pulchra,
ut Luna: electa, ut Sol. Attende, quàm hoc fortissimè &
pulcherrimè promoveat Romanus pontifex Innocen-
tius Tertius. MARIA, inquit ille, est Aurora confurgens:
pulchra, ut Luna: electa, ut Sol. Luna lucet in nocte, Auro-
ra in ailuculo, Sol in die. Nox autem est culpa, ailuculum pe-
nitentia, aies gratia. Qui ergo iacet in nocte culpa, restituit Lu-
nam, deprecetur MARIAM, ut ipsa cor eius ad compuncti-
onem illustret. Quis enim de nocte invocavit eam, & non est
auditus ab ea? Hæc Mariam Ægyptiacam ex vale con-
tumeliæ in vas gloriæ trāsformavit. Hæc Theophilum
è potestate demonis ereptum cœlo transcripsit. Hæc
Guilelmum Aquitanix Ducem post seriam conversionē
sæculi tenebris incauti⁹ rursus illabentem per subitane-
am cæcitatem ad lucem inchoatæ poenitentia reduxit.
Dies me deficeret, si exempla eorum conarer enume-
rare, quos hæc Luna versantes in nocte scelerum luci-
gratiæ restituit. Quanquam & hoc in favorem peccato-
rum factum est, quod sacratissima V. MARIA non solū
sit pulchra, ut Luna; sed etiam electa, ut Sol. SOL enim, ita
disserente Richardo à S. Laurentio, tanta liberalitatis
est, quod à nulla creatura quantumcunq; fatente & sordida,
si sit ei exposita, radios suos avertit: Similiter & MARIA à
quantumcunq; vilissimo peccatore ipsam fideliter invocante
non avertit respectum pietatis suæ. Et quare avertat: quan-
doquidē vn⁹ quisq; peccatorū ei fuit i loāne pro filio cō-
men-

mendatus. *Mulier, ecce filius tuus.* Ades huc, ô despera-
tissime peccator! qui iam scelerum tuorū gravitate ad
ima tartara deprimeris, & conclamatum esse de tua sa-
lute existimas: ades huc, ad pedes MARIE recurre: Ec-
ce Mater tua. Quid hæres? quid trepidas? quid obstupe-
scis? Audin⁹ quid de eius pietate pientissimus vates Ba-
ptista Mantuan⁹, sanctior montis Carmeli Virgilius, oc-
cinat? Ipsa est adversis commune in rebus Asylon:

*Ante preces etiam, necdum exaudita, favorem
Donat, & ad miseros maternas explicat ulnas.*

Optat hoc ipse DEV Spater misericordiarum, ut post
eum in hac Matre nostra omnem fiduciam æternæ vitæ
nostræ collocemus. Nām illud sanctitatis prodigium,
Catharinam Senensem, Dominicanæ Familiæ fidus il-
lustre, hac ipsa de re sic quondam allocutus st. MARIE
unigeniti Filij mei Genitrici gloriosa concessum est à Bonita-
te mea propter incarnati VERBI reverentiam: quod, quicū-
quē iustus, vel peccator, qui recurrit ad eam cum ævoia re-
verentia, nullo modo diripietur vel devorabitur ab inferna-
li dæmone. Nām ipsa est à me electa, parata, & posita, velut
esca dulcissima ad capiendum homines. & præsertim peccato-
res. Veniant igitur peccatores ad eam, (concludo cum Ful-
berto Carnotensi) tundentes rea pectora cum in-
terno fletu; ipsi quoq; si verè poeniteant,
desideratam veniam adepturi,



ORATORIS CRUCIFIXI VERBUM IV.

DEVS meus, DEVS meus; vt
quid dereliquisti me! *Matth. 27.*

U. Orationis peccatori DEVM reconciliari.

IMpi⁹ Calvinus, quemadmodum tot⁹ blasphemias in suis dogmatib. olere videtur, ita in explicando hoc æterni VERBI ad PATREM æternū (quod notavit Cornelius) suspirio se singulariter impium ac blasphemum demonstravit. Affirmat enim hūc Christum Dominum vocem desperationis emisisse; & quasi verum esset, (quo ipsum scommate perstringebāt Iudæi sacerdotes dicentes, *alios salvos fecit, seipsum non potest salvum facere;*) omnipotentiā exutum salutis suæ succurrere non potuisse. O fadam blasphemiam! o stultā, ac nefariam, sacrarum literarū interpretationem! Profecto sapienti⁹ & sanctius in hoc verbum Domini nostri anim-

anima dvertens D. Leo: *Vox ista, inquit, non querela, sed doctrina est.* Cū enim ad DEVM Patrem jē carnat⁹ eius Filius suspirat in tormentis, ad illum, inquam, Patrem, cui semper est æqualis; non tam se queritur derelictum, quā nos docet: tūm ferventissimē, cū a DEO fuerim⁹ derelicti, vt eum revocemus, orationi insistere; vt eum reconciliemus, instantissimē deprecari. Quod vberri-
mē iam confirmo.

DVabus ex causis homini se DEVS amat subducere. Vel, cū vult experiri: quid suis virib⁹ valeat, aut saltem velit, homo; quī proprio nate cortice; tamen non ignoret, haud aliquid eum sine celestib⁹ auxilijs posse. Vel, cū idem, admissā lethali culpā, DEVM a se fugat, & in ius infernalis genij spōtē trāsit. Quod aliquando optimus dominus apud Ieremiam conquestus dicebat c. 2. *Duo mala fecit populus meus: Me dereliquerunt fontem aquæ vivæ, & foderunt sibi cisternas dissipatas, quæ continere non valent aquas.* Populus DEI sumus omnes, quò vsq; mandatis eius paren⁹, quò vsq; ab eius nutibus pendemus. At vbi turpi aliquā nostrum animum labe coinquinamus, recedētes à Creatore ad creaturas; rebelles eidem continuò sumus, & atrocissimo Orci tyranno mancipamur. Bibimus ex fonte bonorum omnium dūm sumus (vt aiunt Theologi) in gratia; hac autem per peccatum spoliati, turbidissimam ex Cocyto atq; styge aquam haurimus. Quā fadis mergimus ora vadis, quum demonum invitationibus non

reluctamur. Hic omninò collimavit admonitione suâ doctor orbis Hieronymus, cùm DEI verba memorata exponeret: *Attendendum est*, (dicit) *quod fons perpetu⁹ est, & vitales habet aquas: cisternæ autem & lacus, vel de torribus, vel ex aquis turbidis terrâ complētur, & pluvijs.* DEVS igitur, qui fons est *vita*, dæmones dissipatas cisternas vocat. Tales cisternas fodit sibi, quisquis fædo maculatus facinore DEVM nefariè deserit, & in dæmonis venit potestatem: qui relicto Fonte Vitæ mortis authorem sectatur: cui Circæa pocula nectare cœlesti sapidiora sunt. Sed iam quærendum est. Quo igitur modo fugat⁹ à nobis fætor peccati DEVS revocandus est? fragrantia, dico, orationis.

D Electatur fætor dæmon, odore DEVS: hoc expellitur ille, hic attrahitur. Sacræ literæ, magistræ virtutū, luculētissimo testimonio id ipsū confirmant. Ibat Thobias junior cum Archangelo Raphael, sub humana specie fidissimi Achatis occultato, (Thob. 6. 2.) in Rages Medorum: cūq; vicinum Tigri fluvio iter carperent, incescit Thobiam desiderium fluminis ingrediendi, fortè ut lassos pedes aquâ recrearet. Quod dū magis avidè quàm cautè perficit, *ecce piscis immanis exivit ad devorandum eum.* Penè mortuus præ terrore conciderat nobilissimus adolescens; quod tamen in tali casu proximum iuvamen erat, comitem invocans: *Domine, domine*, (clamabat) *invadit me.* Raphael animans perterritum iubet; protinūs ut piscem intrepidus

apprehendat, extrahat in ripam, occidat, exēteret; atq; cor ei⁹, & fel, & iecur recodat. Facit imperata strenuè summo periculo defunctus juvenis, & simul familiaris comitem sapientissimum rogat: cui bono piscis intestina servarentur? Hic Raphael de mira eorum virtute rogantem informans: *Cordis*, ait, *particulam, si super carbones ponas, fumus eius extricat omne genus dæmoniorum, si vè à viro, si vè à muliere, ita, ut ultra non accedat ad eos.* Probatum hoc deniq; est, cū Thobias vinculo matrimonij Saræ filiæ Raguelis, quem adierat causa recipiendi debiti, copulatus, ab ea fortissimum dæmonem, aliquot juvenum antè se triumphatorem, fumo ex corde istius piscis excitato fugavit. Quod Lyranus egregi⁹ divinarum literarum interpretes expendens, appositissime rei præsentī hunc fumum illustrat. *Fumus ille*, (verba sūt Lyrani) *ex igne procedens, significat vir orationis vir: utem Thobia, & Saræ: cuius merito Angelus Raphael expulit dæmonem à Sara.* Ut hoc meliùs percipiatur, cōcedendum est philosophis: *duo contraria non posse simul esse in uno eodemq; subiecto.* mutuò namq; pugnant, donec à fortiore debilius extrudatur. Quid verò gratiæ DEI magis adversatur, quàm peccatum? quid ipsi DEO magis odiosū ac inimicum, quàm dæmon? Vultis igitur DEI gratiam quā vos peccatum spoliavit, recuperare? vultis DEVM, quem scelestā in dæmonem propensione fugastis à vobis, iterū in vestra pectora revocare? Expellite priùs indè ardentis orationis suffitu peccatum, o peccatores!

atq; simul eius auctori stygio tyranno nuntium remitte-
rite: mox & gratia DEI, & ipse DEVS ad vos revertē-
tur. *Fumus ex igne procedens* intestinorum piscis adusti ex-
pulit demonem a Sara; DEVM verò illi conciliavit.
Oratio enim, ut demoni exosa est, ita DEO grata: su-
gat demonem, invitat DEVM, immò trahit in cor orā-
tis cessū vinctum.

NOEMI pietas hūc nobis esse potest exēplo. Post-
quā Nōēmus, totius orbis Navarchus, ex Ar-
go illa vniuersi conservatrice in terram, diluvij
subsidentib; aquis, exscendit, primò sibi cœleste Numē
conciliandum ratus, *edificavit altare, & tollens de cunctis*
pecoribus & volucris mundis, obtulit holocausta super al-
tare. Quid interea? *Odoratus est Dominus odorem suavitatis,*
& ait: Nequaquā ultra maledicam terrā propter homi-
nes: Sensus enim, & cogitatio humani cordis in malum prona
sunt ab adolescentia sua. Non igitur ultra percutiam omnem
animam viventem, sicut feci. Per DEVM! vndē hęc repē-
tina mutatio DEI? Qui antea dicebat iratus: *Maledicta*
terra; spinas, & tribulos germinabit. Nunc longē diversā:
Nequaquā, ait, ultra maledicam terrā. Antea tactus dolo-
re cordis intrinsecus; *Delebo* inquit, *hominem a facie ter-*
ræ, ab homine usq; ad animalia, a reptili usq; ad volucres cœ-
li: Pœnitet enim me fecisse eos: Nunc totus placatus & pla-
cidus, totus bonus & suavis, aliud recinit: *Non ultra per-*
cutiam omnem animam viventem, sicut feci. Vndē isthęc
tām subita mirabilisq; in eo præsertim, qui nō mutatur,
me-

metamorphosis? Quia *odoratus est* (vbi docet sacer co-
dex gen. 8.) *Dominus odorem suavitatis.* Quasi diceret:
Eò vsq; irascebatur, furebat, debebat orbem DEVS;
quòvsq; acerbissimus fætor humanorum scelerum na-
res eius opplebat: vbi verò odor suavitatis, odor pœ-
nitentiæ, odor deprecationis, odor orationis, easdem re-
creavit; subito quasi mutat⁹ in alium dextram cohibet,
optimamq; terræ fecunditatem, & humano generi in-
columitatem ac pacem pollicitus, *nequaquā maledicā*
terrā, dicebat: *non ultra percutiam omnem animam vivē-*
tem. O beatum odorem, qui terræ, ac terrigenis, tā ple-
nē DEVM reconciliavit! Sed quæri hūc potest: quæ ex
re tām gratus DEO hic odor emanavit? Ex carnibus-
nē animalium immolatorum? an aliundē? Primum non
potest asseri: cū potius ex illa carniū combustione
fumus ac nidor ingratus prodisse debuerit. Igitur alia fu-
it odoris illius origo, & quidem tanti, qui nidorem car-
niū suā fragrantia suppresserit. Affirmatissimē hoc au-
reā celebris eloquentiā Pontifex enuntians: *Animus,* ait,
offerentis fumū, & nidorem, & omnem insuavitatem, quæ in-
dē (nempē ex animalibus combustis) nascitur, multa fra-
grantia implevit. Nec enim caro DEVS est, (vt subdo ex Ru-
perto) aut corpus, vt talium delectetur odoratu. Sed quia
spiritus est, & in hostijs corporalibus offerentis cor intuetur;
& si piū est, contritione eius delectatur suavis Dominus, plus-
quā homo corporali, quantumris suavi odore mulcetur.
Vide, vide; quā grata sit optimo DEO fluens ex pio

COR-

contritoq; corde: quàm fortiter factorem commissorum peccatorum dissipet: quàm odore suo D E V M faciat homini placatissimum.

JAm hoc ipsum producto ab æterna Veritate exemplo illo decantatissimo comprobem? Duo homines (dicebat Dominus noster Luc. 18.) *ascenderunt in templum, ut orarent.* Quinam? aut quales? *Unus Phariseus, alter Publicanus.* Præclari ambo: Arcades ambo. Audienda omninò utriusq; oratio. Quid igitur intra labia iactas? Pharisee. *DEVS,* ait, *gratias tibi ago: quia non sum sicut cæteri homines, raptores, iniusti, adulteri, velut etiam hic (respexerat illum simulq; despexerat) Publicanus.* Videris benè orasse, Pharisee. Gratias enim D E O egisti pro conseruatione tui in statu gratiæ. Nec malè prorsus agis, quòd te peccatorib; non conformes, quos ipse D E V s odit. Verùm ego hoc de te iudiciũ formo; Iudex æternus an simile, adi Lucam, intelliges. Interea, heus tu etiam Publicane, quid oras in terram submis sis oculis? quid pugno feriens pectora suspiras? *DEVS,* inquit, *propitius esto mihi peccatori.* Itanè? tu peccator es? ideirco terram aspicias, cœlum non audes. Sed, amabo: tunè D E V M fugatum per scelera è corde tuo iterum peccata hinc extrudendo pugno, satagis huc reuocare? Advertam protinùs: an aliquid hoc orandi modis profecturus aut effecturus. Profecit omninò, & plurimum effecit. Nam, quod vix sperare audebat, reconciliato sibi Numine supremo, *descendit iustificatus in domum su-*

suam. Iustificatus? quâ ratione? *In corde contrito,* ait D. Paulinus ep. 18. *sui accusator accipitur, & obrinet veniam de confes sis peccatis.* Hæc est perfecta iustificatio, remissio peccatorum, D E I ad cor pœnitentis reuersio. Quanta vis humillimæ orationis hoc efficientis!

Evangelistarum alter D. Marcus, ex illa muliere, *quæ erat in ciuitate peccatrix,* asserit septem dæmonia virtute nostri Seruatoris eiecta fuisse. Quid fuit infelicius hac animâ, quam D E V S à se relictâ, tot tamquæ diris carnificibus (intelligo vitia) insidendam permiserat? Is tamen, qui, non iustos, at peccatores venerat salvaturus, hanc miserrimam energumenam non liberavit modò, sed insuper ad tantum & sanctimoniam & gloriæ gradum euexit: ut difficile sit definire, quod opus excellentius fuerit omnipotentiam bonitatisq; Divinæ; mundinè, ac rerum omnium creatio, an Magdalenæ cõversio? Si tamen scire velis, quid illam gratiã maximæ peccatrici apud generis humani reparatorem conciliavit, accede D. Lucam, & principem Doctorum Augustinum, disces. Divus quippè Lucas narrat: hanc famosissimâ mulierem, septem dæmonijs infessam, in domũ pharisei cuiusdam, quum ibi Christus cœnaret, audacissimè irruisse: ad pedes Christi proruisse; hos multo lachrymarum imbre non rigasse tantum, sed etiã lavisse; lotos preciosissimo liquore perfudisse, perfusos ornamento singulari sui capitis, cirris inquam flaventibus, tersisse: ac propterea ab internis tortoribus ibidem exsolutã

f

il-

illa Divini oris suavissima verba excepisse, illam tessera reconciliati sibi Numinis, illam cautionem remissorum debitorum, illud æternæ Regis æterni amicitiae symbolum: *REMITTUNTUR TIBI PECCATA*. Porro Augustinus totum hoc negotium admirabile & obstupescendum diligentissime, prout par erat, expendens orationi tacitæ, verum efficacissimæ attribuit. *Fudit lachrymas cordis* (ita de Magdalena *IESVM* deprecante differit) *& lavit Domini pedes obsequio confessionis, capillis suis terxit, osculata est, unxit. Tacita loquebatur, non sermonem promebat, sed devotionem ostendebat.* Ideo promeruit audire: *Remittuntur tibi peccata.* Fugatis demonijs, iam in te mea gratia; amor mei, non amor sæculi, (*Deus* hoc dicebat *Deus* efficiebat,) æternum permanebit. Quisquis es à *Deo* desertus, à malo genio possessus, spoliatus gratiâ, delictis oeratus; ingemisce, tunde pectora, funde lacrymas, clama, clama: *DEVS meus, DEVS meus: ut. quid dereliquisti me?* & redibit in te virtus ex alto, fugabuntur demonia, remittentur peccata; gratiâ, gloriâ, *Deo*, repleberis. *Qui enim* (cum Iliodoro Pelusiota cōcludo) *percutit viscera sua compunctione percutit, & flebilium sermonum choros adiungens pœnitentiæ calamum in pixidem mœroris lachrymarum nocturnarum incingit: morte CHRISTI pro peccatoribus suscepta non frustrabitur.*



ORA



ORATORIS CRUCIFIXI VERBUM V.

Sitio. Ioan. 19.

Sitim animarum, quâ Christus torquetur, earundem conversioni maxime conducere.



Arrat Surius, celebris prorsus è Carthusiana familia scriptor, Landelinum quendam è prima Gallorum nobilitate juvenem cognatum pessimis conatibus à religiosa vitæ proposito retractum, permisis ætati fervescenti licentiâ quæ frænis, prædonum tandem societatem iniuisse. Quorundem deinde factus antesignanus, cum quadam nocte alicuius opulenti Croesi direpturus ædes manipulos colligeret suorum, unum sibi è carioribus repentino mortis ictu truncidatum deesse animadvertit. Obrutus propterea mœrore animi loco prædæ quieti se dedit. & en videt per somnium illum ipsissimum, cuius fato affligebatur, à non bonis genijs in orbem abripi, se autem ab optimo (tutelaris erat) his interpellari: *Heus, an & nunc socius tuus eris?*

f2

ter

Territus ille viso inferni barathro, noluit suo Pirithoo Theseus esse: sed à somno & vitijs expergefactus ita mutatus est, vt post visitata ter Divorum Apostolorum limina, post exstructa complura coenobia, post edita miracula, cilicio & cineri incubans vltimum diem sanctissimè obiverit. Tantùm Landelino profuit vivo ad inferos descendisse & balneum sceleratis paratum non frustra, licet in somnis, oculis mentis perlustrasse. Verùm ego hìc nolo quenquam horrore cruciatuum æternorū ad bonam frugem revocare: sit unicuiq; potius hanc ad rem stimulo ardentissima Filij DEI sitis, quā vehementissimè animarum nostrarum salutem nunquam nō sitit, quam explicatissimè huius rei gratia propono. Rogo te, qui legere dignaris hunc discursū: vt si te gratia DEI provexit ad excelsum perfectionis gradum, magis adhuc DEO placere coneris: sin per amorem rerum creatarum procul à Creatore tuo elongasti, *Verte gradū*, obsecro, *non est bona semita, verte; Hac, perièrè oēs, quotquot ièrè viā. Verte gradum, & sitienti IESV conversionis tuæ calicem optatissimum propina.*

E Mendatissimus ille Regum lapsorum David, pro vt sacri fasti memorant, latenti sibi metu persecutorū in spelunca Odollam excitari sensit ingentē appetitū limpidissimi fōtis, ad paternæ Bethleem portā cristallino liquore homines ad se rapientis, at eo temporis ab hostibus Azophilis circumsessi. Itaq; nō dissimulans, quod erat, coram suis commilitonibus in hac ver-

ba exclamavit. *O si quis mihi daret potum aqua de cisternā, quæ est in Bethleem iuxta portā!* 2. Reg. 23. Admirari quispiam possit Regis huius non minùs fortissimi, quàm sanctissimi tam exiguam mortificationem, tam verò gravem sensualitatem minimè dissimulatam, ob quam tres Heroes fortissimos exercitus sui, qui satisfacturi palato ei⁹ per medios hostium cuneos ad cisternam penetrarant, in apertissimum discrimen coniecit: simulq; reprehendere Davidem, quòd cūm esset bellator veteranus, eo loci se cum exercitu posuerit, vbi rei per necessariæ, nēpè aquæ penuriā, laborandum erat. Verùm ego magnum hìc mysterium deprehendo. David enim iustissimus, Typus erat mundi Servatoris. Quod inter alios Patres D. Remigius clarissimè his verbis insinuans: *David, inquit, interpretatur manu fortis, vel visu desiderabilis. In quo significatur CHRISTVS qui est manu fortis, quia vicis diabolum, & spolia eius distribuit; visu desiderabilis est, quia non solum homines sed & Angeli desiderant videre eum.* Ergò David sitiens Christum sitientem denotabat. Sed quò totam rem perfectiùs capiamus, videntum est: quid Bethleem, cui⁹ ad portam tam nobilis cisterna reperiebatur, quæ etiam figurato David Christo mirificam sitim accendit, significet. *Bethleem*, ait Gregorius Mag⁹, *domus panis interpretatur.* Penes hunc panem reperiebatur aqua: Nām Dominus IESVS nihil esurivit vnquam, nihil sitivit, præter salutē animarum. Vnde, cū aliquando illum discipuli sollicitè rogarent:

Rabbi, manduca: respondisse illis fertur: *Ego cibum habeo manducare, quem vos nescitis: utq; melius eum caperent, adiecit: Meus cibus est, ut faciam voluntatem eius, qui misit me, ut perficiam opus eius.* Quod opus? *Hominum vocationem,* inquit Albertus ille Magnus, *conversionem, & ad Patrem reductionem.* Cum igitur Servator noster in persona davidis expetebat aquam de cisterna Bethleemica, esurivit & sitivit, quemadmodum notavit Mediolanensis Præsul, *non cibum aut potum humanum, sed salutem.* Liceat hanc ardentissimam animarum sitim, quæ Domini Filium continuo torquet, clari⁹ intueri. Docent naturalis hystoriae scriptores, quoddam serpentum genus (dipsades vocant) reperiri: qui dum hominem admordet, adeo noxium venenum in eum transfundunt, ut repente potum appetat, & sitim tamen bibens continuo non restinguat. Nunc ad rem. Serpens ille antiquus, diabol⁹, mors Parentibus nostri generis tam dirum in eos virus effudit, ut omnes moriamur in Adam. Quamvis autem verissimum sit, Christum Dominum nequaquam hoc virulento tartarei dipsadis toxico afflatum fuisse, cum & ex Matre serpentis huius domitrice, quæ nec ipso peccato, nec peccati fomite fuit affecta, sit ortus; & hoc præsertim sine carnis humanæ indumento vestit⁹, ut pesti huic pharmacum afferret: quia tamen pro sua in nos charitate nostras infirmitates ipse assumpsit, & languores nostros, teste Prophetâ, tulit, atq; dolores portavit, in similitudinem hominum factus, & habitu inventus ut homo, tâ-
tâ

tâ siti animarum nostrarum salvandarum assidue flagrabat, ut quoddam modo à stygio dipsade ictus videri potuisset. Hinc eleganter purpuratus Hugo: *Mirum est, ait, quod Fons sitit; sed hæc omnia propter nos.* Ille, qui quondam clamabat in medio templi Ierosolymitani, *si quis sitit, veniat ad me, & bibat:* etiam per Davidem sitim suam aperiens clamabat: *O si quis mihi daret potum aqua de cisterna, quæ est in Bethleem iuxta portam!* Et hæc omnia propter nos. Pergamus ulterius.

Tendebat Iesus Verus Servus, prout refert dilect⁹ ei discipulus, ex Iudæa in Galilæam per Samariam: cumq; venisset in civitatē Sicchar, fatigat⁹ ex itinere sedebat sic super fontem horam quasi sextam. Io. 4. Interea venit mulier cum hidria aquam haustura. Cui ille: *Mulier, da mihi bibere.* O faminam, terq; quaterq; beatam: à qua ille potum petit, qui liquorum omnium creator est! Ocyus, ocyus immerge fonti hidriam, & omnium bonorum Fontem frigidam tuam recrea. Non vult. quamobrem? quia se agnoscit Samaritanam. *Quomodo tu, (sic audet cum æterna Sapientia disputare) Iudæus cum his, bibere à me possis, quæ sum mulier Samaritana? Non enim coniunguntur Iudæi Samaritanis.* Vultis fortè iam nosse, curiosi mortales, cui⁹ momenti erat hæc ratio, ob quam Christo pot⁹ à Samaritana denegatus est? Audite igitur suavissimum Claræ Vallis Abbatem hac de re sic differentem. *Samaritana, ait ille t. 4. Ier. 24. interpretatur anima vana, quæ quarit tantummodò lascivias, delectationes, luxuriam, avaritiam,*
&

Omnia desideria mundi. Itanē? Hoc erat illa Samaritana vana, lasciva, luxuriosa, avara, plena desiderijs mūdi. Quis ergo miretur, eam Iudæo vero, talium viciorū hosti maximo, noluisse haustum frigida impertiri? Sed expende iam, quātā siti IESVS premebatur, cū ab hac muliere potum flagitaret: quanto inquam, salutem huius animæ vanæ, ac effrontis & immanis, desiderio expetebat. Docet enim Albertus Magnus, quod plūs *ficit salutem animæ, quā potum aquæ.* Primò namq; eius causā fatigatus erat testinando celerrimē ad civitatem; nē tempus, quo ventura fuit ad puteum, sibi cognitum ab æterno, præteriret. *No verat enim Dominus* (dicit aureus Doctor) *quam horā captanda quies cæteri dabant, hac illam solere aquæ adhibenda vacare: propterea horā sextā abiit.* Et nē videri posset casu venisse, (addit Burgenfis) *qui omnia dispensat; mentē illius arcano ducebat impulsu, ut tūc veniret, quando Fons vitæ, CHRISTVS, ibi erat.* Quia verò illam tempore præuenit, *more fatigati* (ait Caietanus) *innixus fonti, puta, applicato brachio super labium fontis ad sustinendum caput, eam præstolabatur. Sic enim solent fatigati sedere.* Porro D. Ioannes (ut asserit vnus aliquis è recētioribus) per hanc dictionem, *Sic*, divini huius Pastoris anxietatem, ardentissimūq; amorem denotare videtur, quo in perdita huius oviculæ assidua requisitione æstuabat. Vocem deindē alloquentis eam si consideres, *vox deprecantis est*, ait Toletus; *qui imperare potuit Angelis, vilem adulteram, & infidelem mulierem* (hoc erat Sa-
ma-

maritana) rogat. Aded enim hominū diligit salutē, ut, quod nostra summo opere interest, etiam precibus flagitet. Tandem refractariam advertens, & ignaram sui boni: O si scires, ait, *donum DEI, & quis est, qui dicit tibi: da mihi bibere: tu, forsitan petisses ab eo, & denuisset tibi aquam vivam.* Quæ verba trutinans Bernardinus senensis, & vnā Chananeæ illius reminiscens, quæ summis aliquando precibus & propē importunis à Domino salutem filia suæ extorquere nitebatur, in has voces erumpit *Quando mulier Chananea offensione feruens, sollicitudine quærens, clamoribus petens, filiam, id est animam suam, scire arripescit; & nihilominus IESVS fugit, obmutescit, & spernit velut canem, & eam quocumque abhorrere apparet.* E contra hanc Samaritanam inlectari videtur, etiam suis inspirationibus renitentem O cæca Samaritana! Anima vana, lasciva, delicata, luxuriosa, avara; plena desiderijs carnis, oculorū, superbia vitæ, voluptatum huius mundi: da, (per salutem tuam obtestor te, da potum sitiienti Servatori tuo; propina illi te ipsam. Quid conversionem tuam procrastinas? En, quærens te fatigatur, fatigatus sedet, sedens opportunum tempus alloquendi tui per sanctas inspirationes, aliosq; modos præstolatur: & dū hoc sapius facit, tu dissimulas; offert se tibi, tu refugis; ostendit, quā pronus promptusq; sit ad remittenda tibi delicta, tam innumera, tamq; gravia, tu non vides; rogat deniq; potum lacrymarum, & nō imperties? Non enim aliud appetit, cūm petit, *da mihi bibere; quā fontis oculorū lympas.*
sed

Sed iam ad extremam Domini mei sitim delabor.
Pendebat is Crucis in trabe medius duorum latro-
num, totus quantusquantus vulneribus oppletus,
cōfixis manibus ac pedibus, spineo diademate cruenta-
tus, & præterea blasphemantium acerbissimis dictarijs
proscissus. Territus interea sol tam atroci spectaculo,
tām q̃; immani hominū in suū Conditorem scelere, oeu-
lis eorum se subducit, toti mundo nox incubat atra. ge-
mit præterea tellus, reboat æther, scinduntur rupes,
velum templi rumpitur, tota rerum natura commove-
tur. Solus I E S V S in cruciatibus inexplicandis persi-
stens immotus lentā voce exclamat: *SITIO*. Hic Ma-
gdalena Liberatori suo vehementissimè compatiēs ta-
cita lamentabatur: Ah! *Sitio*, clamas: desunt his rupib.
vndæ. sola fluunt oculis flumina, sola bibe. Non aliud
sanctissima Genitrix, non reliquæ Matronæ huic tristissi-
mæ Tragediæ præsentēs, fecere: lachrymas nimirum
suas dilecto Servatori sitis exstingvendæ causa offere-
bant. Miles duntaxat, rarò promptus ad pietatem, no-
vo scelere sitim cœlestis Imperatoris irritabat. *Spongiā
plenam aceto hyssopo circumferentes* (hanc relationem fa-
cit de Martis alumnis alumnus CHRISTI Ioannes) *ob-
tulerunt ori eius*. Opinor, Dominum idem nunc fecisse,
quod paulò antè cum eodem aceto felli permixto fece-
rat. Nempè, *cū gustasset, noluit bibere*. Noluit omninò
bibere, qui longè aliā siti torquebatur. Non enim liquo-
rem aliquem expetebat, qui nec edisse, nec bibisse qua-
dra-

draginta diebus poterat. *Habuit aliam sitim* (piè conijcit
devotissimus Blofius) *puta, amplius patiendi atq; evidentis
ius suum nobis amorem demonstrandi*. Hic ego al. quantum
hærebo, & inquiram ab ingeniosissimis naturæ scruta-
toribus: quid agunt cervi venenatā iēti sagittā, aut a ser-
pente morfi? Solinus mihi pro cunctis vnus respondens
ait: *quod ad fontes aquarum festinant sitibundi, & in eas pu-
rissimas venenum evomunt*. A quis ergo & sitim cōceptā
extingvūt, & hausto veneno levantur. Nūc ad IESVM,
quem mihi sacræ literæ Cervum appellarunt. Ita enim
sancta sponsa, celeritate eius agilitate q̃; se oblectās glo-
riatur can. 2. *Similis est dilectus meus caprea, hinnuloq; cer-
vorum*. Hic igitur cœlestis Cervus gemino telo, amoris
in mortales altero, altero peccati nostri virulento, ma-
gis quàm clavorum cuspidibus acuminatis saucius, ve-
hementer se sitire testatur, cū clamat affixus cruci: *SITIO*. Ah! quid sitis, Domine mi, quid sitis? *Sitis mea* (re-
spōdet per d. Augustinum) *salus vestra est: sitis mea redē-
ptio vestra: sitio fidem vestram*, ô mortales! sitio conver-
sionem vestram, ô peccatores! Ah! Animæ piæ, animæ
quoq; impiæ: refrigerate sitim Redemptoris vestri dul-
cissimis lachrymis, potu huic siti accommodatissimo.
Talem ad fontem Cervus hic, vestrorum peccatorum
virulentissimis sagittis confixus vehementissimè anhe-
lat. Convertimini ergo ad eum in ieiunio, & fletu, &
planctu, & totum planè Oceanum proficuarum vo-
bis illi cōptatissimarum lachrymarum antè cum profun-
dite


dicite. Date potum sitienti, date porum scilicet siti-
entibus ex contrito corde lympharum. Nam, nisi id prom-
ptissime & liberalissime præstiteritis, æternam sitim ti-
mete. Venturum enim tempus est, quo sitiens hic
Cervus in feverissimum iudicem conversus, ita suæ
sitis ardentissime & propriæ salutis contempto-
res nefarios alloquetur ultimo damnandos.

*Sicivi, & non dedistis mihi potum; discedite à
me maledicti in ignem æternum.*

O peccator! ut non ardeas æter-
num, ardentem siti conversi-
onis tuæ CHRISTVM
iām refocilla.



ORA



ORATORIS CRUCIFIXI VERBUM VI Consummatum est. Jon. 9.

*Perfectissimam esse Pœnitentiam, quæ cum ipsa
vita cōsumatur.*

In Rincipium humanarum actionum bono fine
destitutum nunquam ducitur laudi, habetur
semper ludibrio; & plerumq; damno solet es-
se, non emolumento. Quæ gloria est, præcla-
rè multa ordiri, malè terminare, aut imperfecta spontè
relinquere? Non incoepisse, at finivisse laudabile est.
Hinc universi fabricator, D F V S, postquam opera ali-
arum quinq; dierum approbasset, non apposuit operi di-
ei secundæ illam solennem censurâ: *Vidit D E V S, quod
esset bonum.* Cœtera omnia bona sunt visa bono D E O,
solum Firmamentum quasi imperfectum non commen-
datur. Quia de causa? *Quia, licet firmamentum* (uti respo-
det

83

det Rupertus *Unā quidem, & pulchra species est verū-
tamen iuxta intentionem operantis, unum quid, totum non
est. Ita q̃; vt reliqua Divinæ dexteræ opera, non compro-
batur; quòd inchoatum solūm, & non consummatum in
intentione DEI videretur. Resipiscentib⁹ hīc doctrina
datur: vt, cūm pœnitentiam agere incipiunt, in eadem
perseverent, & quidem ad mortem. Sola namq̃; Pœnitē-
tia illa perfectissima est, & sempiternæ gloriæ certissi-
ma, quæ cum vita pœnitentis cōsummat. Latius hoc
in campo exspatiabor.*

Apprimè servit proposito meo illud cœlestis Præ-
ceptoris documentum, quo nobis in perelegan-
ti schemmate cœptæ pœnitentiæ continuatio-
nem commendavit. Differens enim ea de re Luc. 14.
*Quis, ait, ex vobis volens turrim edificare, non prius com-
putat sumptus, qui necessarij sunt, si habet ad perficiendum; nē
posteaquā posuerit fundamentum, & nō potuerit perficere,
incipiant illudere ei dicentes: Quia, hic homo cepit edificare,
& non potuit consummare. Iam verò non illi tantum ædi-
ficare dicendi, qui domus ab ipsis fundamentis novas
erigunt; sed hi etiam, qui veteres restaurant. Anima ho-
minis, Domus DEI est. præsertim illius hominis, qui ve-
rā Charitate flagrans in DEI mandatis implendis non
frigescit. Hoc ipsum DEI Filius restatus est luculentis-
simè his verbis apud Ioannem 14. Si quis diligit me, ser-
monem meum servabit; & Pater meus diliget eum, & ad eum
veniemus, & mansionem apud eum faciemus. Hīc quæri po-
test*

test: quæ isthæc est tam efficax dilectio, quæ ex animo
hominis Domum DEI constituit? Magnus Pontifex &
Doctor Gregorius huic quæstioni occurrens: *Verè DE-
VM diligimus, inquit, & mandata eius custodimus, si nos à
noxijis voluptatibus coarctamus. Nām qui adhuc per illicita
desideria diffluit, profecto DEVM non amat: quia ei in sua
voluntate contradicit. Hinc sequitur: Animum delicijs &
illecebris imbutum, peccatisq̃; depravatum, esse colla-
psam Domum DEI. Inficis mansionem CHRISTI ei⁹-
quē PATRIS Æterni; immò disijcis ac diruis: quoties, ô
homol nefario scelere te polluis, atq̃; gravius delinquis.
Vis deindè huius Tabernaculi Divini, huius Templi spi-
ritus sancti ruinas reparare? facile poteris per seriam &
constantem pœnitentiam. Totam hanc rem, propo-
sito Iudæ proditoris exemplo nobis ob oculos Hierony-
mus ita subiicit. Infelix Iudas, quando Apostolus erat, Do-
mus DEI erat: venit diabolus, & accepit buccellā, & statim
intravit Sathanas in illum, & Domus eius subversa est, & nō
est restaurata: quare? quia non egit pœnitentiam. Si quis ve-
rò post peccata agit pœnitentiam, istius Domus post captivi-
tatem reedificatur. Verū, vt perfecta sit & laudabilis, nō
modò utilis restauratio, persistendum in pœnitentia tā
diū, quā diū in vita: nē cui dicat illusoriè diabolus. Cœ-
pit edificare, cœpit restaurare labefactatam Domum in-
ternam suam: & non potuit consummare. Surrexerat è fæ-
tido vitiorum cœno, iterū se eidem immerfit: extirpa-
re pravyos habit⁹ institerat, nūc sibi in ijsdem blanditur:
ad*

admoberat aratro manum, iam retròspexit: deseruerat Babylonem, iam repetit: sumpserat cucullū, abiecit: expulerat amicam, invitat: redit canis ad vomitum. Ah! pie resipiscens, nè tibi diabolus illudat, nè iterū Cœlo conversione tuā exultanti mœrorem inijcias; persiste in poenitentia, persiste. quā diu spiritum trahis, ambula in spiritu: sic animi tui cura plagas, nè recrudescant.

PRæclarum rei præsentis habemus prothotypon. Iosue 5. Ingressurus hic egregius Imperator terrā promissionis, debuit omnes illos, qui nati fuere Hebræorum in deserto, circumcidisse. Ita voluit DEVS, ita mandavit. *Postquā autem circumcisi sunt, (ait sacer codex) manserunt in eodem castroru loco, donec sanarentur.* Hæc circumcisio fuit Iudæorum: quā debet esse Christianorum? *Circumcidi*, inquit ordinarius sacræ paginæ interpretes, *per IESVM, est, vitia & consuetudines pravas & pessima instituta deponere; & quidquid ab honestatis regula discrepat, abscindere.* Cum his enim onerosissimis sarcinis terram promissam nobis, quæ cœlestis Patria est, ingressurum se quis somniet? *Angusta quippè porta* (Matth. 7.) *& arcta via est, quæ ducit ad vitam.* Vitiis verò ea natura, quòd toties resecta repullulēt. Hydra est Lernæa vitium quodvis, & peccatum. sicut illi capita recisa iterū erumpebant: ita vno sublato vitio peccatouē resurgunt alia, nisi penitus eorum succus omnis perpetuā poenitentiā exhauriatur. Hercules nos hinc assiduos oportet esse. Arma poenitentia nunquam nobis ē manib⁹ dimitt

tenda. Qui semel illa rapuerit in vitia & peccata pugnaturus, nè abijciat vnquam: teneat, teneat perpetuò. Nō sufficit circumcidi, necesse est post circumcisionem sanari, & cicatricem in vulnere obduci. Debent poenitentes manere in poenitentia. Ita ratio svadet, ita monet stephanus sanctissimus Abbas, ita salus obrinenda.

Magna aliquando turba confluxit ad IESVM, & offerebant ei parvulos, ut tangeret illos. Matt 10. Quæ res, nescio quam ob causam, discipulis eibilem movit adeò grandem, ut minis abigendos censerent eos, qui hanc parvulam turbam præceptoribus sanctis sistebant. *Comminabantur offerentibus*, dicit Marcus. Lucas verò affirmat, quòd *increpabant illos*. Quod tamen indignè ferens pientissimus Dominus: *Sinite*, dicebat discipulis, *parvulos venire ad me: talium enim est Regnum DEI.* Quid audio? Domine mi, quid audio? Parvulus nè in Regnum cœlorum penetrabit? quo pacto? Vim patitur Regnum cœlorum: *violenti*, ut alibi dixerat, *rapiunt illud.* Parvulis autem quæ vires ad vim Cœlo inferendā? Nisi fortè lachrymis illud potius, quarum copia parvulis haud deest, quā arietibus sit expugnandum. Ita sanè. Meminimus, quid accidit Agar Ægyptiæ, cum à Sara è domo Abrahami fuit pulsa, unā cum infantulo Ismaele in desertum. Deficiente nimirum annonā, abiecerat filiolum sub arbore, nè videret morientem: & *sedens contrā levavit vocem suam, & flevit.* Postmodum asserit sacer historicus, *exaudivit DEVS vocem pueri.* Vndè ego vehementer

hemēter admiror, divinum scriptorem, hūc sibi non cō-
 stare. Cur enim asserit, pueri vocem exauditam esse, cū
 non puerum sed matrem flevisse retulit? *Sedēs cōtra &c.*
 At involvit hūc pro more suo grande misterium. Agar il-
 la pœnitentis animæ typus erat. Dolebat enim se pro-
 pter suam protervitatem ex domo sui domini atq; mari-
 ti eiectam esse, & fame in eremo confici; cū tot ancil-
 læ in aula sua genialiter viverent, non modò commodif-
 simè. hinc gemitus, hinc lachrymæ illæ tam efficaces,
 ac teneræ, vt infantiles viderentur. Itaq; meritò dicitur
 Agar flevisse, & puer exauditus esse, quoniam constans
 pœnitudo matrem in puerum transformaverat. Ex quo
 pulcherrimè & appositissimè S. Pater Ambrosius pœ-
 nitenti acclamat: *Tanta vis consummatæ emēdationis est,*
vt in quandam pueritiæ spiritualis redeat ætatem. Ac pro-
 pterea rectè monebat discipulos cœlestis Magister: *Si-*
nite, parvulos venire ad me; talium est enim Regnum DEI.
 Vos quoq; (idem nobis dicebat) *nisi conversi fueritis, &*
efficiamini sicut parvuli, non intrabitis in Regnum celorum.
 Quomodò cōversī per pœnitentiam. quomodò parvu-
 li per consummatam pœnitentiam.

Idem Dominus noster IESVS Christus antequā
 spiritum suum æterno PATRI tradidisset, Regale il-
 lud Divinumq; verbū protulit: *CONSUMMATVM*
EST. Per hoc autem volebat exprimere: se omnia per-
 fectissimè implevisse, quæ ad humani generis redempti-
 onem spectabant. Hoc sentit ex eruditissimæ Societa-

tis

tis Schola Cardinalis hunc locum ita penitus elucidās:
Ex verbo illo: CONSUMMATVM EST, intelligimus Domi-
num consummasse opus passionis suæ ab initio vsq; ad finem,
vt nihil desiderari posset. Tantā porrò aviditate festina-
 bat ad huius operis consummationem IESVS, tantā-
 quē constantiā: vt eum non cruciatus dirissimi, non
 mors atrocissima, non ipsæ hostium interpretationes
 sistere, aut morari minimè possent. Dicebant enim: *Si*
REX Israel est, descendat nunc de cruce, & credim⁹ ei. Quod
 veluti audiens Bernardus: *Immò, ait, quia REX Israel est,*
titulum Regni non deferat. Quamobrem? si credere vo-
 lunt, vbi descenderit, cœu Messia? Descende, IESV, de
 cruce, descende: credent iudæi, saluabuntur: secūs ob-
 stinati peribunt in perfidia. Inhibet eum Bernardus, id
 quē propterea; nē & nos de cruce pœnitentiæ, nisi re-
 ctā cœlum sit ascendendum, descendamus. *Non dabit,*
(inquit hic mellifluus Doctor) occasionem surripiendæ no-
bis perseverantiæ, quæ sola coronatur. Perleuerantiæ in pœ-
 nitentiæ, gemitu, lachrymis, auferitatibus, ieiunijs, elee-
 mosynis, varijs mortificationib⁹, in cruce deniq; perpe-
 tuò ferenda. Nām cōsummatissima pœnitentiā est, quæ
 cū ipsa vita contumatur. Sic eluebat sua peccata Rex
 pœnitens: *Laboravi (canit ipse ps 6.) in gemitu meo: la-*
vabo per singulas noctes lectum meum, lachrymis meis stratum
meum rigabo. Sic Maria peccatrix Agypti quadraginta
 sex annis feras inter emūdabat, quidquid sordum pau-
 cis homines inter contraxerat. Sic Augustinus ex Ma-

h2

nichæo

nichæo Catholicissimus, ex mundano mundissimus & planè coelestis, quos poenitentiales dicimus, psalmos etiam discessurus ex hac mortalitate ad beatam immortalitatem piè recitare non neglexit. Sic plurimi alij non priùs gloriosissimis rigidissimæ poenitentiae exercitijs, quàm vitæ finem fecerunt. Quis tot exempla Divorum recenseat, qui suos in artus poenitentiae causâ dirisimè scævierunt? Vnius Dominici Loricati piam ac salutarem in se crudelitatem, qui vnâ quadragesima tres miliones istuum sibi narratur inflixisse, quis non obstupefeat? Institit huius Loricati vestigijs (quæadmodum recēs author asserit) egregius DEI SEVUS P. Gaspar Druzbicki, Polonus, in S. I. non minùs vitæ sanctimoniam quàm doctrinam, honoribusquè, illustris: cū interdum, præsertim vitam agendo privatam, diversis diei & noctis temporibus ad quindecim millia percussionum cum rasuris ferreorum pectinum, & hemisphaeræ aculeatae puncturis, pervenerit. Novi & ego virum, primum in Scholis Pijs Polonum, patriam Polnaniensem: cuius ab obitu repertus est paries cubiculi sanguine respersus: tam ferio suū in corpus extra ordinem animadvertibat. idē expergefactus integrū Rosariū pās brachijs devotissimè solebat percurrere: sacras literas non nisi genu flexo voluebat: nūquā mihi risisse visus, orasse perpetuò; recollectissim⁹ & obedientissimus. Et tamen hic talis poenitentiae amator constantissimus ad meliorem vitam transiturus tremebat ob abyssum iudiciorum DEI. Quis alia talia fan-

do enumeret? Benè cecinit Vates aliquis: *Priscorū Vēbera confer; esse meros dices, seria nostra, locos.* Confer tuā, mi Christiane, poenitentiam cum poenitentia Ioannis, Pauli, Antonij, Onuphrij, tot aliorum Eremicolarum: cū poenitentia Benedicti, Francisci, Dominici, Bernardi, & tot aliorum nostrorum Ducum: cum poenitentia Theresiae Abulensis, Catharinae Senensis, Rosae Limanae, Kunegundis Polonae, Magdalenae Italae, & tot aliarū Christi Sponsarum: *Esse meros dices, seria nostra, locos.* Quid si tibi viva poenitentiae exempla, quae hærēt in oculis, monstravero; numquid adhuc poenitentiam exhorresces? Conijce oculos in genuinam Rōvaldi Sobolem: videbis hispidam vestitu, ieiunijs exhaustam, silentio mortificatā, totā vitā Angelis parem. Carthusianos adibis? repēries vigilijs extenuatos, clausos in cellis, se ipsos refugientes, soli coelo intentos. Non desunt alij plurimi, qui Evangelicam regulam secuti, summam paupertatem amplexi, externo quoq; rigore in animarum bonum adhibito, sine pera & baculo, sine calceis & mollibus indumentis, verbo simul & exēplo Christum prædicātes veros Apostolos orbi exhibēt vniuerso. Quanquam & illorū opera sanctissima, qui libris ad vtilitatem Ecclesiae conscribendis, juventuti honestissimis literis ac moribus imbutendae, verbo DEI seminando, sacramentis administrandis, confirmandis in pietate Catholicis, haëticis cōvertendis, infidelibus ad ovile DEI aggregandis, se totos constantissimè devoverunt; quis, inquam, præclaris-

ma eorum opera in censum pœnitentiæ non referat?
Atq; hæc sunt, quæ te, mi homo, peccâtem graviter &
leviter pœnitentem, ad non seram, & seriam & cōtinu-
am pœnitentiam excitare meritò possunt. Quib⁹, si pla-
cet, addo illud saluberrimū Ecclesiastici monitum:

**DE PROPITIATO PECCATO NOLI ESSE SINE
METV.** Poteris esse, ubi pœnitentiam egeris
assiduam. Ergò perseverem⁹ in pœnitētia,
perseverem⁹: ut & proœterita eluamus
delicta, & futuris aditum præcluda-
mus. Quid vnus mensis, anni, aut
lustri, pœnitētiâ gloriamur? post
eaquàm totius vitæ decursu solida pœnitentiæ opera
exercuerimus, tunc saltem pote-
rimus non vanissimè cœlum
sperare atq; expectare.



ORA



ORATORIS CRUCIFIXI VERBVM VII.

PATER, in manus tuas commendo
spiritum meum. *Luc. 24.*

*Spiritum nostrum à nobis frequentissimè Christo
Domino commendandum esse, nisi labi, ac relabi,
frequentissimè velimus.*

Animadvertimus scœpissimè, decedentes ex hac
mortalitate homines ea suis cōmendare, quæ
carissima habuerunt. sic olim Turnus Rutulo-
rum Rex, fortissimus aliàs heros, ab Ænea Troiano sin-
gulari certamine prostratus, humilis, supplex, (ut est a-
pud Pœtætarum principem) oculos, dextramq; precantem
protendens, victorem orabat: *miseri te si qua Parentis
Tangere cura potest, oro: fuit & tibi talis
Anchises genitor, Darni miserere senecta.*

At

At Rēdemptor noster sanctā animā in cruce exspiraturus, neminem hominum, aut Angelorum, sed PATREM cœlestem alloquens, ei suum spiritum commendat: *PATER, in manus tuas cōmendo spiritum meum*. Quod D. Athanasius cōtēplatus. Cū, ait, *in cruce CHRISTVS dicit: PATER, in manus tuas depono spiritum meum: in eo omnes homines apud Patrem deponit, ac commendat, per ipsum & in ipso vivificandos. Membra enim sumus, & membra ista multa unum corpus sunt, quod ipsum Ecclesia est. Omnes ergo in se DEO commendat. Ad stipulatur Cyrill⁹ Athanasio in-
quiens: Tradidit animam suam manibus genitoris ætern⁹ Filii; ut ab illa, & per illam factō initio, certam huius rei spem habeamus. firmiter credentes, in manibus DEI nos post mortē futuros. Nā hoc nobis effecit Dominus (quod addit Euthymius) nē deinceps iustorum animæ descenderent in infernum, sed magis ad DEVM ascenderent. Igitur neq; nos deesse nobis debemus; at dū à IESV Christo æterno PATRI commendamur, ipsi pariter nosmetipsos eiusdē Patris æterno Filio commendemus, ut in eius manibus securi lapsus ac relapsus deinceps vivamus. Quod, quā ratione fieri debeat ac possit, paucis docebo.*

Triplex est spiritus noster: (ut sentit Dydimus in catena citatus hīc à Cornelio) *cogitatio nēpē nostra, anima, & conscientia. quæ tria DEO commendare debemus.* Ac primò de Cogitatione agendū est. Quæ cū, teste divino spiritu, cuncta sit intenta ad malum, facillimè per eam homo à virtutissimo Orci genio supplantatur

jur. Habemus istius rei deplorandum in Isacidis documentum. Quod exprimens divin⁹ Historiograph⁹ Nū. 15. *Fornicatus est, inquit, Israel cum filiabus Moab.* Quomodo fornicatus? Vidit, appetijt, cogitavit, consensit, fecit. Hoc explicati⁹ proponens Richardus: *Ornaverunt, inquit, Madianitæ filias suas, ornatasq; in conspectum filiorum Israel posuerunt, ut in concupiscentiam illorum traheretur, & sic iram DEI incurrerent. Incurrerunt. At solinè Israelitæ laqueis talibus implicati non. Quod semel historialiter (subijcit memoratus Pater) contigisse cognoscitur, hoc verus quilibet Israelita, nempe Christianus, frequenter invisibiliter experitur. Quādo scilicet quasdam rerum concupiscibilium imagines inimici oculis mentis obijciunt: in quarum consideratione si se mēs delectationi turpiter subjecerit, procul dubio protectoris sui offensam incurrat. Omnino peritissimus & diligentissimus est Apelles cacodæmon: nunquam non adstat cum tincto varijs colorum formis penicillo ad nostrarum cogitationum telam; ut, si male custoditam reperiatur, effingat in ea, quas lubet species: aut Dianæ venatrices, aut avaras ac superbas lunones, aut Veneres libidinosas. Conatur enim mētem nostram à Deo ad mundū, & eius vanitates, atq; curiositates abstrahere: conatur ambitionis fædāq; complacentiæ fūco illinire: conatur accendere foco luxuriæ per impressionem turpium phantasmatum. Scit namq; sufficere ad labem lethalis culpæ contrahendam vnam cogitationem morosam: hac verò pollutum animum panis*
i ater.

æternis addicendum. Sin itaq; minùs potest ad actum mortiferum hominem ipellere, saltem ei cogitationes pessimas suggerit, vt his technis ac laqueis irretitum se cum in æternum præcipitium trahat. Qvòd circà se fieri animadvertens Rex psalteres ingemiscebat ps. 17. *Dolores inferni circumdederunt me, præoccupaverunt me laquei mortis.* Cogitationes otiosæ, curiosæ, vanæ, malæ, visæ sunt Davidi fuisse dolores inferni: quoniam hominem ijs sese oblectantem ad stygios cruciatus devolvunt. Vocatur ab eodem laquei mortis: nam qui illis implicatur non facillè grave peccatum, quod infert animæ mortē, evitat. Quā verò ratione ab his laqueis expediebat se Regum circumspectissimus, clarè docuit ps. 24 his verbis. *Oculi mei semper ad Dominum: quoniam ipse exellet de laqueo pedes meos.* Mens nempè ad DEVM continuò elevata non patet suggestionib' inimici. Servit huic rei, quod sanctissimus presbyter, & Fundator Congreg. Oratorij IESV, Philippus Neri, de se ipso referebat. Factitare nimirum se quotidie vnam protestationē dicebat: quòd esset Christo Domino latiore plagam facturus in latere, nisi eius manibus ligatis capiti tuas imposuisset. Sedes cogitationum caput est. Expetebat ergò hoc Philippus CHRISTI manibus assiduò teneri, nè satelles Orci phantasia eius fædis imaginationibus turbaret, atq; animum perniciosis cogitationibus intoxicaret. Nec alio modo, miser & labilis peccator, animum tuum à periculoso lapsu immunem servare potes, nisi perpetuò DEI

Fi-

Filium rogando & obtestando interpelles cum psaltere: *In manus tuas, Domine, commendo spiritum meum.* Tibi cogitationes meas consecratas volo; nec vllas alias habere atq; admittere volo, nisi à te, de te, propter te. O IESV! Tibi commendo spiritum meum.

A Cogitatione ad ipsam Animam progrediamur. Tàm diligenter huic & astutè struit insidias latro infernalis, vt ad eas cavēdas assiduò ac solerter evitādas Petrus Ecclesiæ Princeps & Pater seriò nos cē fuerit esse admonendos. *Fratres, (I Pet. 5.) sobrii estote, & vigilate: quia adversarius vester diabolus, tanquàm leo rugiens, circuit querens, quem devoret.* Nō potuit periculū nostrum nobis apertius proponere spectandum, quàm dæmoni rabiem leoninam rugitumq; attribuendo, nos quē ei prædam futuram, nī vigilaverim' & sobrii & cauti. Rugitu leo prædam, quam capere vult, sistit; sic dæmon animam. Degimus infelices paradisi exules hoc in mundo velut in solitudine vastissima, repleta belluis infernalibus, quæ nos ambiunt semper, circumcuntq; hiātibus faucibus, vt absument. Nec est mirum: esca namq; stygiarum ferarum non alia est, quàm animæ humanæ, ex quo eas primævâ labe pollutas sibi consignarunt. Meminisse quilibet potest; quod ferculum, quem pastū, serpenti illi antiquo, qui primos Parētes nostros illaqueaverat, omnium rerum Parens DEVS assignavit. *Terrā comedes (dicebat Gen. 3.) cunctis diebus vitæ tuæ.* Quam terram? Respondet utiq; sapientissimè, Phœbus & Be-

medicina Familiae, & Ecclesiae totius, S. P. Gregorius,
 cum psalmum 4. commentatur. *Antiquus hostis terram
 comedit, quia peccatores quos in ventrem suae militie abscō
 dit. Devorat terram* (quod subdit Rabanus) cum errore
 peccantium pascitur, ac delectatur, eos in ducens ad interitum
 rapit. Sicut enim Sancti sapē cœlorum, ita nomine terrae hi,
 qui terrena sapiunt, indicantur. Verum huc & altera spe-
 ctat eiusdem serpentis multa. Cum enim antea sursum
 erectus, ut quorundā fert opinio, incesse, ut postmo-
 dū n̄ super peccatus graderetur, damnatus est. *Super peccatū
 tuum gradieris.* sic eum DEVS fulminavit. Quod quā rā-
 tione faciat, disertē expresse eruditissimus Caietanus
 hoc sensu. *Venter officina est cibi digerendi: & ita super ven-
 trem ire, est proprium ventrem eundo opprimere. Officium
 ergo diaboli est (infert iam appositissimē dicti interpretis)
 cibum suum, id est animas peccantium opprimere. Ac si aperti⁹
 dictum fuisset: Non solum maledictus eris tu; sed etiam male-
 dicti erunt tui, opprimantur siquidem a te.* En escam serpē-
 tis antiqui diaboli, Animas peccatorum. Heu! fuge, fu-
 ge, o ho nol fuge peccator, ad Servatorem tuum. & va-
 lidissimam eius manum adversus hunc assiduū insidi-
 atorem Animae tuae implorās, trade eam, fidenterq; cō-
 mitte protectioni, regimini, custodiā ipsius, iterū atq;
 iterū ingeminando: *In manus tuas, Domine, commendo
 spiritum meum.* Adhæreat anima mea post te, me susci-
 piat dextera tua. Eripiatur anima mea sicut passer ope-
 rā tuā de laqueo venantium.

ani-

Nimæ adnectitur Consciētia. Quæ quāmdū grā-
 vis alicuius sceleris macula non cospurcatur; læ-
 ta, hilaris, tranquilla, iuge convivium est. vbi ve-
 rō illud admittitur, subito nascitur ex ei⁹ putredine ver-
 mis, qui peccatoris viscera perpetuō rodit, torquet, cru-
 ciat, adeo, ut vivus infernum suum secum portare vide-
 atur. Fabula est, quod Pœtæ finxerunt de Tytio; cuius
 iecur assiduō vorari à vulture, nūquam devorari, quod
 renascatur denuō, tradiderunt. At Vultur peccatorum
 viscera lanians, & verus & sempiternus est. An id nō sa-
 tis perspicuē Isaias expresse his verbis? c. 66. *Vermis e-
 orum non morietur.* Sed & campos Elysios intremus, ut
 hoc ipsum melius adhuc percipiamus. Hic enim ut pec-
 catum, ita vermis conscientiae primō natus est. Nā ho-
 mo creatus à Deo in statu perfectissimae innocentiae fa-
 ctus erat Rex Paradisi. Cum Paradisum nomino, locum
 nomino rebus omnibus refertissimum, quæ vel cogita-
 ri, vel appeti honestissimē possunt. Quid dicam ampli-
 us? locus erat, Historiā sacrā testante, *Voluptatis.* Utinā
 nunquam amissus. Sed, quā citō! Vix se peccati lue cō-
 taminavit Adam, ex illo deliciarum Floteto protin⁹ ex-
 pulsus est. *Eiecit eum Dominus DEVS de Paradiso volu-
 ptatis.* Habuit, habuit Anima Parentis omniū nostrū
 suavisimum & amoenissimum Paradisum, quōvsq; nul-
 lius criminis fuit sibi conscia: perpetrato scelere gusta-
 ti ex vetita Arbore mali, amisit Paradisum: quia Consci-
 entiae tranquillitatem, serenitatem, lætitiā amisit. Hic

13

in-

ingeniosissimus Theodoretus, postquam expendisset,
authoribus nostri generis libato pomo oculos fuisse a-
pertos, ita ut se detectos conspicerent, subiecit non in-
eptè quòd sensum ac stimulū conscientie habuere, qui eos re-
morderet. Deniq; facundissim⁹ Præfulum Chrysostom⁹
afferens rationem, ob quā se, auditā voce Domini DEI
deambulātis post meridiem in paradiso, Adam⁹ & Eva
iam lapsi abscondissent, ita differit. *V*oluit DEVS, ut in
magno mētis angore cōstitueretur, quod & factum est. Nā
postquam ita senserunt, quasi adesset iam DEVS, occultari cō-
perunt. Conscientia quippè adversus hominem insurgere solet
& clarā voce clamat, & accusat, & ostēdit, & quasi ante ocu-
los scribit peccatorū magnitudinem. Et licet quis admissō pec-
cato omnes homines celet, ab ipsa tamen accusatrice non pote-
rit delitescere. Nā ubi cūq; fuerimus, eam circumferimus:
ipsa nos circumit, laniat, flagellat, domi, & in foro, & in tem-
plis, & in mensa; dormientem & surgentem adorat; ob ocu-
los proponit, & delictorum gravitatem, & subsecuturam pœ-
nam. Et propterea Protoplastus, ut illum sensum accepit, ad-
ventum Domini secum cogitans statim se occultavit: quoniā
videbat sibi truce adstare accusatorem; Conscientiam dico.
Si tantūm trux accusator dicenda sit Conscientia, & nō
simul carnifex crudelissimus. quandoquidem & accusā-
do torquet, & torquendo acculat, & inter accusationes
ac tormenta quandoq; spem veniæ abripit. Expert⁹ hoc
in se Caimus ille prim⁹ fratricida. Nā occiso Abel ger-
mano suo: *Maiores est* (exclamavit ad DEVM) *iniquitas*
mea

39
mea, quā ut veniā merear. Ecce eijcis me hodie à facie ter-
ra, & a facie tua abscondar: & ero vagus ac profugus in ter-
ra. Omnis igitur, qui invenerit me, occidet me. Vide, eum ni-
hil aliud vereri, cū se metuit occidendū, quā, nē pœ-
nā talionis mulctetur, suā pro erepta fratri vita perdat.
Cū se vagum ac profugum in terra fore pronūciat, an-
non disertè fatetur, sibi per scel⁹ ita animi tranquillitatē
ademptā esse, ut prae tumultu cordis in vno loco neque-
at subsistere? Cū se à facie DEI dicit esse absconden-
dum, ipsā pœnam damni se fraterni profusione sanguinis
promeruisse clarè testatur. Et quia graviorē suam ini-
quitate, quā ut veniā donari possit affirmat; iam pla-
nè desperatione corripitur, iam de salutē animæ suæ cō-
clamatū esse clamat. O tortorem immanissimum cō-
scientiæ vermem! ô peccatum sexcenties detestandū,
atq; veneno diligentius cavendum, quod nobis tam a-
trocem parit accusatorem, & simul carnificem sævissi-
mum! Optimè admonet Lipomanus: *Hoc ergo expavesca-*
mus semper: cavendo, nē unquam tale flagitiū designem⁹, un-
dè perpetuo remorsum conscientie ferre cogamur. Sed quo
pacto id præstabit⁹, si DEVS Conscientiam nostram
dexterā suā nō sustentabit, lumine suo nō diriget, nē tur-
pius erret, nē gravius prolabatur? Huic igitur sine respi-
rio supplicandum est, ut nostri Spiritūs assiduam gere-
re curam non desistat: hic perpetuò more vatis Regis
interpellandus: *In manus tuas, Domine, commendo spiritū*
meum. Et en Servator noster animam sacratissimam in-
du-

durissimo crucis lecto exhalās exemplo nos incitat suo;
vt, qualiter ipse tūc æterno P A T R I suum commenda-
bat, ita nos assiduò nostrum ipsi Spiritum cōmendem⁹.
Cogitationes, inquam nostras, Animas nostras, Cōsciē-
tias nostras. Nō sufficiat nobis resipuisse, cognito mor-
bo vitiorum, quibus depressi gemebamus; seriāq; pœni-
tentiā cōmissa delicta eluisse, & mores nō bonos benè
iām emendasse: addenda est fuga aliorum; addenda cu-
ra diligens recidivæ, vt loquūtur medici, evitandæ; nè
ad vomitum detestabili vitio canū redeam⁹, nè dæmo-
nis iterū laqueis, quib⁹ Divinā grtiā sum⁹ explicati, ir-
retiamur. At quis, oro, hoc propriā virtute valeat? quis
vel summā industriā, nō adiut⁹ à Christo, nō roboratus
ab eo, quo sine penit⁹ nihil possumus, nihil? Ergo suspi-
randum identidem nobis est ad Opitulatorem nostrum
I E S V M, atq; cum summo feryore, quod Ecclesia præ-
scribit, semper ingeminandum. *In manus tuas, Domine, cō-*
mendo spiritum meum. Redemisti nos, Domine, DEVS veri-
tatis; ergo in manus tuas commendo spiritum meum, quāvis
horā, quovis in loco, qvolibet momento, ac præ-
cipue ex corpore discedentem. Custodi me,

vt pupillam oculi; sub Umbra alarum
tuarum protege me. AMEN.



Biblioteka Jagiellońska



stdr0014577

